

光緒永嘉縣志

永嘉縣志卷之三十五

庶政志

庶政云者別乎經政言之也自賦稅倉儲壇廟學校兵防而外足以助教養所不及者厥有多端若夫鄉約鄉射鄉飲酒之屬久廢不行前志所略今亦無從甄錄惟自賓興而下闕者補之略者詳之從太平志例彙爲此門後之人遵守弗失其於政體亦豈曰小補之哉

賓興 定例三年大比各州縣於秋試前誼吉邀集應試文武諸生具筵起送舉觴親勸坐席以科試第一人爲首餘次坐酒三行辭出其卷資路費銀一百二十餘兩

各縣多寡不等 向由司札發本府給領近年以來府中
此就永嘉而言

備文詳司并札飭送考教官赴省請領內留給武生之
款約十分之一別有邑中紳富捐置公項按名分給之
文成會嘉慶中纂入前志今具列如左

文成會 嘉慶九年邑人陳遇春創設集捐錢二千八百
千存典生息爲文士鄉會試旅費名曰文成會刊有文
成紀事中丞阮文達公爲之序歷道光咸豐間續捐錢
三千一百餘千嗣因軍需提用錢四千一百千至同治
初年郡守黃維誥以瑞安逆產田畝撥抵無如田瘠地
偏至十二年始議變價彌補僅得田價錢一千一百三

十千不敷甚鉅隨諭各典湊捐錢三千八百三十五千

有奇又嬰堂餘款內提錢一千千益以雜項罰鍰共發

典錢七千四十五千至光緒三年止又得續捐錢四千

餘千統計先後正續捐錢一萬一千八十千文

內撥錢八百千

歸武生鄉會試經費詳武成會條下至誠嘉惠士林之

續捐姓氏錢數俱刊入續文成紀事中

善舉也儀徵阮元序東甌於浙東為瀕海郡而永嘉居

睦二州境鼓棹以達於錢唐其由樂清一路至省則經

雁蕩天姥沃洲嵎嵎會稽諸山水然後由固陵渡江跋

涉崎嶇行李供億尤非貧乏者所能故鄉曲士子有終

其身足跡不至省會者豈憚勞哉資斧不給耳憶余乙

卯冬奉命視學是邦歲科按部曾兩涉其地及來撫

浙巡視海上又一至之見其山川之秀人物之雋無不

家絃誦而戶詩書也乃三年大比省試獲選者不敵浙

西諸郡之十一良由艱於道里未遑觀光余甚憫之夫

十步之內必有香草况永嘉夙有小鄒魯之稱爲衣冠所輻輳者哉廩生陳遇春篤於義念桑梓寒士不獲與省試之苦爰糾合同志哀集三千餘金發商生息以子錢所入爲試費事成來省具呈請序於余余嘉其好義之殷足以風勵末俗使勸學之士鼓舞奮興以備他日賢書登俊之選且視其所設條約經守令議定者亦復周詳帖妥洵足以垂永久是舉成其必有于然歌鹿鳴而來者踵相接也非卽官斯土者之所厚望者與甲子秋余監理文闡事竣撤棘而永嘉公牘適至且重爲之請因樂爲序之巡道李鑒宣序余監司臨括簿書餘暇日與諸生結翰墨緣諸生樂余坦易不設城府也咸北面執弟子禮余居然擁皋比若經師嘗與諸生言東嘉文獻宋明極盛祇今稽古右文之代甲科寥寥此何以故諸生曰自先生下車以來其間舉進士登賢書貢成均者較曩時爲多然視湖西仍不敵十之一二則應試人之稀也詢其所以稀則曰海壖寒士往往無辦裝錢噫嘻士固多寒惟能耐寒迺眞士耳憶余少時應晉鄉試贏滕負笈日行數十里足重甕惴惴不得休泊應禮部試策蹇驢側帽簷走塵沙中一囊錢先盡幾不免寒乞相遲之又久始得通籍今服官十五年矣使

當時自信到此則人皆物色之夫何有於寒亦第在立志耳雖然有難焉者東嘉距虎林千八十餘里涉蜃江沂青田溪而上衝越灘湍踰桃華嶺諸隘過婺郡放舟嚴瀨自桐江而錢浦水陸複沓往返間坐靡數十金貧士終年館穀所入幾何輟其仰事俯育之資以俸萬一不可知之試則無寧留以贍急宜乎稀而又稀也陳生遇春本足自給而能悉寒儒苦況創捐朱提又自徧乞於諸厚積者竭蹶終歲哀集三千餘金貯之商庫權子母什一春秋兩試留其母而取其子量人之數予之請諸大中丞已報俞並問序於余冀與所勒條約共垂志乘余膺簡命陳臬滇南星軺將發槐花又黃環顧諸生方歌驥駒而不暇歌鹿鳴也且囊薄如葉無能相助爲理諸生將視余爲熱官乎夫余心則猶然寒士耳知縣巴哈布序永嘉於郡倚郭繁庶亦與古緊望埒知縣巴哈布旣莅官之六年黽勉從公幸無隕越深惟古令長必以便人爲務而凡所灌輸挹注以被潤於百里內外者若行水然罔非倡自上游因以奉行而利導之彼草野閒涵濡旣久亦遂有自爲變通而便彌甚者令何力有焉邑距浙行省千里而贏水陸複沓舟且車者邇焉每歲屆賓興貧士多宿留不能去卽去或罄終歲

之脯脩以供汗漫不可知之一試其倦於進取也宜哉
 有食餼生陳遇春慨然首捐金以倡奔走徧告諸同志
 共哀得三千兩有奇遞請於上官責諸殷實之賈俾爲
 權子母月可徵息什一而相訂以鄉試年齋羨金赴行
 省量人之數而均予之先是故有育嬰義舉茲之章程
 擘畫一循其舊是舉也議始於壬戌十月不再稔迄用
 有成諸邑子復申請於巡撫飭所屬立案如隋唐以往
 所謂品式故事者且求爲紀實之文旣奉鈞諾如其請
 而以文屬之吏斯土者於是巴哈布奉檄欣悚作而言
 曰倚歟民情可見矣夫俗之涼也一布一粟或形於色
 矣士人之取榮名視日用飲食孰急且自榮其名耳政
 復何與吾事乃發慮動衆尙義同心若是是二三子之
 志而能力也抑乃九先生六君子之遺也俗其厚矣哉
 抑又聞之風被自上斯俗成於下方今大儒得位政誠
 惠乎區宇文明蔚然丕應雖僻陋海隅亦克用勸蓋本
 之風以成斯俗者也昔唐韋皋帥蜀有感其私惠者遂
 吟蜀道易以美之彼特誑佞不根之談耳今實使峻嶺
 大川不疲於跋涉利公而溥仍晏然出於民之自爲斯
 眞足以發詠歌被金石矣令奉職無狀愧無實政便民
 旣已坐享成事且得抽毫論思附諸古人立言之末宜

乎無溢詞而有厚幸也是爲序
陳遇春募捐文成會
啟蓋聞鵬搏溟海須培萬里長風龍躍禹門尚激三層
巨浪藉文章以登科甲非無白雪才華戒行李以上舟
車端賴黃金資斧永邑遠離都會計遠千里程途僻處
海隅莫借一帆風力脩阻既艱於跋涉端征必裕其腰
纏至若村塾窮儒每因大比之期輒耗終年館穀單瓢
寒士縱有良朋之助無非半紙人情疲筋力於長途青
衫潦倒費躊躇於客舍白首頽唐誰歟適館授餐米似
長安之貴僊矣登山臨水行同蜀道之難因省試之維
艱致科名之尙少興言及此能不憮然茲者公襄義舉
創立成規期相助以三千取贏餘於什一分交質庫儼
同外府之藏惠我嘉賓聊作承筐之贈屆秋闈而散給
按人數以均分呼將伯則多多益善權子母則陳陳相
因客路雖賒裝有鍾離之辦行囊頗足途非蘇季之窮
庶幾入閨者悉心鑒戰而獲雋者不嘆晨星吾鄉人敦
禮讓居然鄒魯之風戶有蓋藏不少陶朱之富分太倉
之粟允堪挹彼注茲集狐腋之裘儘可哀多益寡各宜
踴躍勿吝錙銖他時奕世簪纓應多食報此日增光閭
里與有榮施企予望
之無任瞻仰謹啟

武成會 光緒初年武舉金鎮魁等以文成會經費數倍於前而武生獨抱向隅呈請飭董公議分給久無定論至五年郡尊張公盛藻諭令先於是科鄉試撥給息錢二百千作爲武生旅費復於正項內提錢八百千再補捐錢二百千合成一千千歸武生自行經理名曰武成會以免輻輳

永場梯雲會 自一都至五都向有梯雲會名目存錢一千八百千同治十年廩貢張鳴玉等奉諭續捐闔邑文成會除繳郡五百千外餘錢二百二十四千併入前款合成二千零二十四千歸入梯雲會生息分給永場應

試諸生刻有續文成紀事

南鄉文成會 同治十二年內閣中書葉浚等奉諭續捐
闔邑文成會除繳郡一千千外餘錢五百千存狀元橋
各行生息分給南鄉應試諸生刻有南鄉文成紀事

育嬰堂 府志在縣治西偏惠民橋右爲撫養遺棄嬰孩
之所乾隆十二年知府金公洪銓首先捐俸會飭前令
上官德輿委紳梁春蔡宏勲邵世錄等勸捐得銀二千
四百十二兩有奇擇官地廣八畝建造大門儀門大堂
後堂後屋及東西傍屋土地祠共九十九間工竣巡撫
方敏恪公觀承發帑銀一千兩并捐項俸銀交典生息

又撥瑞安田租以供經費編有育嬰堂紀略巡道吳公
士端爲之序至二十二年知府李公琬清釐積弊增撥
塗田委生員陳肯堂監生金珍馮振魁等稽察積弊一
清又因堂婦少乳創立牛乳哺嬰章程全活者衆同治
十二年知府裕公彰又購西偏隙地增房舍五十間巡撫
桐城方觀承溫州府創建有嬰堂碑記人之生而有父
母也天也父母生之而或不能父母之天使父母生之
而不能使父母胥父母之則生之路窮窮則變變則通
於是先王教以轉相生比使之保間使之受黨使之救
州使之賜當是時也行有死人尙或瑾之惡有瞳焉新
生棄之路旁者故曰大道之行人不獨子其子井里法
壤比閭州黨之制洵轉相生者又窮而胥匡以生之責
乃歸之爲民父母者而保之受之救之賜之則育嬰堂
興焉

國朝旣建之京邑廣渠門外而天無私覆爰奉

勅旨下其法於方州竊獨謂孤子之有養與嬰兒之有育類也而有嬰難何者無父曰孤不必無母也人生十年日幼卽不盡十年而或五六年或七八年尙可匍匐以就口食故養之者月令有常餼門闕有委積嬰兒甫出慈母之懷終日號啜微特常餼委積無所用之卽有載稻與脂如越勾踐而亦不能哺也不能吸也故曰難漏澤園以哀死育嬰堂以憐生類也而育嬰堂難何者名曰漏澤彼骨則已朽矣吾取其地之荒而不治者揜骸埋骸使不爲烏鳶食則釋之矣雖有後事吾弗與知也嬰兒絕其乳哺立可餓殺必求母以食之而此食之母又必有以食之且衣之求則給之人棄我取後來益多則此食之母與吾所以食之衣之而給其求者愈往而不知所窮故曰難以其難而廢不舉則不能之死而生遂因以之生而死而溺子女之風且恬不知怪夫溺子女者非惡之也愛之也愛之欲其生而計其後而無以爲之生故於其甫墮地遂一決而不顧傳有之子既生不免乎水此母之罪也而況自母水之乎然而彼固有大不忍於此者而勉其情也是故育嬰堂之設仁術也所謂雖先王未之有可以義起者也浙東永嘉郡故無之有之自今金守始蓋先是郡數以溺女聞守旣

爲之禁而又念不可戶說莫如修其本以勝之則惟是舉也宜與永嘉上官令倡捐俸各百金爰及紳士暨諸吏商募義無窮如應影響輻共一轂算踰千緡爾乃行管高敞地屬役賦功成不愆素由門而入之爲四重析間而計之爲九十三堂序房寢品式具備米鹽周密囊篋細碎諸所爲子母計者無不周也而又歲各有輪擇廉幹者業而息之以儲經費於是呱呱之子源源而來慝歲踰時籍之已餘百口而向之不字厥子者大變其俗不復犯於有司已事而竣具狀諭予且圖永久余謂太守可以語政矣昔陳仲弓爲太邱長方捕劫賊而道聞有民草閒不起子者先回車往治之以謂盜殺財主何如骨肉相殘其言似諸大體雖然彼欲殺之我欲活之設我別無以活之彼終不免于殺之俾有依歸則瞿然顧化古之治民者必先養而後教如育嬰堂其一端也美哉始基之矣抑天下事作始也簡其畢也必巨巨而不蚤爲之所久久不足以及更費後將有視爲秦越人之肥瘠而棄厥成勞也者爲請於上舉嵯廩之在官者稍貸之商而權其贏餘以半爲斯堂接絕續乏之備蓋不惟永嘉郡之爲而郡亦與焉自茲以往弗替引之古所稱賈子賈女者今乃載

帝德之廣運以保於無疆可謂如天之福而教之化民也
深於命夫豈獨不自傷其類而已凡父若母見子之食
於他也因感生愧惻然將各念鞠子之哀而思斯勤斯
不煩官府則斯堂擔負亦可漸減而就輕太和元氣何
心不如成周宇宙閒也姑以余言懸記之而卓諸碑其
銘曰有赤而毛謂他人母匪謂他人母母莫我有他人
母何親惟

天子恭生生衆母以食之爲堂曰育嬰古永嘉郡東甌王
國或生女子載胥及溺太守曰噫我實不德鞠人之保
居微斯堂也焉攸適乃減秋膳應者如堵乃賦徒庸作
者邪許乃堂乃房乃門乃廡骨而肉之有保姆寘之隘
巷不煩腓牛棄之堤下不煩妾收夢中誰乳無於菟者
周道誰取無繫弧者弗字厥子彼氓蚩蚩今在下風悲
前所爲檀弓兩卷皆言物始弗續而終浸怠以止何以
終之曰告天子權商之息字民之孤義以利和歛
爲散儲用取其功歸仍其餘更萬萬古稽首
聖謨歐海可枯茲不枯郡守李琬記東嘉育嬰堂翺自
前郡守金公門堂室宇周密完固在郡治之西城隍廟
右置有塗田若干畝以爲乳育之資董其事者十六人
歷今幾二十年日漸廢弛丁丑夏余來守茲土司事者

以經用匱乏來告余思育嬰之政固卽周官保息之遺
意而國家愛養之仁所及也有其舉之何可廢墜用
告之觀察徐公爲經理之考核其田畝之數釐剔其侵
蝕之原爲易董事數人出入有稽存貯有所佃不使抗
役不敢侵而董事等亦能體余心無浮銷冒濫之弊於
今六載綜計其出入之數足給經用而以豐備歉之資
亦略有餘裕且出其羨以佐書院之役各盡乃心遂覺
視前之左支右詘者迥乎不侔亦可知事之舉廢惟視
此任事者之當否以爲有無也第向例以所入者卽從
堂內使常得其人則可苟非其人則侵挪虧缺之弊從
茲生矣今使入者皆貯於公庫而出則按冊支放庶乎
人絕朶頤之念物無漏卮之虞而可以垂之永久第其
所恃者塗田皆在江潯海濱之中向使滄桑無定乘隙
爲奸則將歸之烏有而莫可如何茲復刊其冊籍於石
使後人可以按數而求則一日之規模卽可爲百年之
法守而後來者亦得有所藉以存余心於無旣也附
牛乳哺嬰規條一買牛到堂每日喂豆三升大米一
升草宜剉細將米豆細細拌勻令牧人以時喂養則牛
隻自然臙壯買牛以犢小者爲佳一每日早飯後用
磨碎豆乾五升半米五合同細草逐日拌勻分兩次喂

之喂畢將牛牽出乘涼飲水一遍日西牽回仍如前法
喂飼點燈後再用米一升煮稀粥飲之使乳水易生
一每日擠乳務在五鼓令牧人牽牛至廄所須要耐心
靜氣時擠時歇切不可一擠了事或乳水不至即牽小
犢舐咂其乳則乳水自下矣然擠乳亦不宜過遲以致
喂失其時一熬乳宜用銅鍋安放爐上將乳汁傾入
鍋內用微火熬之視乳汁上起有皺皮色微黃為度方
可取食熟則養人生則令兒瀉腹一每日熬乳熟後
即令乳姆抱嬰上堂按應分之乳以匙緩緩灌之首事
同女總管親身督視所有嬰兒喫膾之乳令各姆帶回
房內首事仍不時周流稽查倘乳姆不實心調養致小
兒常常啼哭或將乳私育已子及自己偷喫等弊立即
逐出午後亦如前法行之至晚煮稀米湯分給以備小
兒夜間食用一喫乳小兒十月以內者日則分給牛
乳夜則灌以米湯不得仍前以乾飯喂食如希圖偷減
牛乳仍舊踵此弊者將乳姆逐出十月以上者不在此
例牛一牛隻口齒過老則乳少汁薄應視一二年後如
牛出乳甚少即令變賣另易肥壯母牛充用至料豆必
須乾燥其法用大磨畧為磨碎令於堂內鍋竈之旁另
砌一炕與竈相連下砌風洞使竈內火氣灌進則竈自

溫煖可將料豆攤炕上焙去潮氣便易磨碎至喂牛碎
豆須用水浸泡盆內豆面約浮水二三寸許將到細稻
草和入水豆并米調拌極勻方可喂食草要判細越細
越佳郡守劉煜碑記天下府州縣建立育嬰堂本帝
王保赤之誠體天地好生之德仁政莫善乎是溫郡育
嬰堂創建於乾隆十二年前十守金公洪銓乾隆二十二
年前守李君琬泣任徹底清釐增撥塗田遴委生員陳
肯堂等給以薪水俾董其事迄今多歷年所嬰漸加增
費用浩大而佃人更替滋弊藉風潮荒歉隱畝欠租以
致入不敷出虧及官庫錢二千數百千支絀殊甚余於
癸巳春仲來守是邦司事等進謁卽以經費匱乏請余
籌畫余因屬溫州衛李君世昌永嘉縣丞戈君廷槃率
同永嘉縣學廩生鄧承弼等親履其地按籍丈量細核
田畝之數追查侵蝕之由諸君皆廉幹勤謹不辭勞瘁
行見公款充裕不難恢復舊規時有平陽貢生楊德音
聞風向義大具惻隱之心遵其父國學生名植遺命願
以親置平邑腴田四百畝輸堂充用當繳札根錢四百
八十千零二百文備案發典生息又定每年繳租穀錢
四百八十千零二百文并典息以助堂嬰食用之需復
開送輸田段落畝分歲租糧額清冊存府精細詳明作

事不苟噫是誠可謂敦善行不怠之君子歟余又聞楊
生居鄉凡本邑公捐義舉有往告者無不竭力應之樂
善好施固未易得之近世者余嘉其義因上其事於各
憲并上請督學使者給額以獎勵之余大書繼善保嬰
四字以旌其門并為文記其顛末以為溫郡之輕財好
義者勸溫郡在浙東八郡中地稱富饒戶多殷實倘人
盡慕楊生名黜繁華重賑恤本帝王保赤之誠體天地
好生之德不分畛域共助成全俾無父無母之孩提不
至飢寒失所胥匡以生尤守斯土

者之厚望也夫道光十三年立

公項額數府志永邑各都塗田九百三十七畝樂邑

各都塗田三十三畝瑞邑鞭田一千二百八十畝

本城西南八總店基三間西北六總店基一間十

都三里屋基三分十都十里油車水碓一所本堂

置造堂前左側小店四間道光十三年平陽楊德音

捐課田四百畝道零嬰堂檔案府志乾隆年間撫憲

都四里田一十畝零嬰堂檔案府志乾隆年間撫憲

方公發鹽義倉項下商捐銀一千兩并建堂餘贖銀一
千三百五十兩二款發典生息按月一分五釐府檔

案光緒年間統計每年額租錢四千四百餘千租洋一百二十元租穀三百餘石霞坊節婦葉魯氏故廩生葉芝玉妻捐房屋五間兩進透後樓屋并左右軒統共二十餘間歸嬰堂管業每年租息洋一百四十四元

恤養局 光緒元年總辦鹽釐局務鄒太守仁溥奉遵憲

飭仿省城清節堂條規酌量變通分別養婦邁婦二冊

月給錢文

養婦每名九百邁婦每名六百

嗣於五年閒興築二十六都

之驛頭埭總局梁太守銘樹奉文借支恤養局存錢四

千千動用後因經費不敷又先後借撥大錢八百五十

千今實存各典大錢三千五百千年滿一分起息

按是款於

工竣後丈量得埭內墾復有主田六百二十五畝一分原議章程每畝認交經費錢六千原限五年內分繳以清借款每年每畝完納息穀七斗共計應收息穀四百三十七石五斗又丈得墾復無主田一百五十二畝九

分應歸入恤養局招佃完糧每年每畝由佃戶交納租穀七斗共計應收租穀一百七石今自六年為始各佃未能如數完繳悉難依限歸楚也

養濟院

在來福門外明洪武八年建

府志按乾隆志孤貧原額口糧銀

及加增銀共四百九十六兩八錢均於題銷冊內起運項下造報有案詳貢賦志今據養濟院孤貧甲首四季具領前項銀共五百七十三兩一錢六分又額外孤貧銀一十四兩七錢五分四釐共計銀五百八十七兩九錢一分四釐視舊額增多九十一兩一錢一分四釐不知何以不符此外有由縣每季捐給小糧孤貧一十九名銀七兩七錢八分六釐及捐賞孤貧甲首每季銀五錢每年共捐銀三十三兩一錢四分附識於此

惠民藥局

官府遇歲疫令醫生開局於城隍廟施藥

府志

按今已久廢光緒五年署同知郭鍾岳倡議月捐錢文若干每年自三月十五起至九月十五止設局三所城中府城隍廟城西北三港廟城外大南門天后宮各延醫生一人到局施診來醫者果係赤貧方上蓋一戳

字持方取藥以濟貧民如能寬備經費
議存生息終年設立則久遠之計也

惜字會 在郭公山下設立紙爐士民錢孝宣余熙諸邦

祚谷長鴻全元龍公置田三十七畝為收買之資乾隆府志

按今已久廢田畝坐落何所亦無可稽

惜字局 在習禮坊倉聖祠內同治九年知縣高樑材率

邑人教諭葉慶禔等捐設署知縣陳寶善踵而成之定

於每月朔望收買司其事者葉慶禔等二十七人刊有

東甌惜字局記事府學教授戴咸弼為之序學使吳存義碑記同

治甲子歲余奉命視學兩浙按試台州畢太平教諭

永嘉葉君慶禔來謁曰甌郡向無倉史祠自咸豐三年

張大令銑率邑人士勸建於開元寺右工竣金教授衍

宗記其事鐫之石乃敬倉史而未敬其字非所以崇報

本也爰於九年間就祠中設惜字局月之朔望收購殘
編廢紙及竹木瓦石之有字者焚而送其灰於海捐集
之資計錢一千五百緡存典產息專應其用倡之者高
大令樑材踵而成之者陳大令寶善也行之閱數年矣
猶恐公事急需移撥而匱於後請數言勒石以禁之余
思事有似輕而實重似緩而實急者自書契既作人不
可一日無字非特讀書人賴之其當敬惜之故與夫徵
驗之不爽不待贅言之也則如甌郡惜字之資宜無移
之他用而豫爲之慮矣然往歲軍興之際符檄旁午度
支不給權宜挹注不暇顧後此之利病者往往而有今
幸烽燧銷息四民樂業州郡之長勤勤焉以脩文教爲
先務卽謂惜字之舉更無重於此急於此者吾知聞之
者必不斥爲躓言也然則葉君司其事而慮及於移撥
也其亦過慮乎哉倘後之人有奪此款以應雜用而任
字之狼藉汗滅不惟獲罪於倉吏抑亦創此局者所痛
恨也余固知其必不然矣禮有曰有其舉之莫敢廢也
甌之人士其善體此意焉凡局中司事及捐戶
姓名具列碑陰用昭激勸以垂示永久云爾

敬字局 在下河鄉白塔瑜珈寺內光緒六年生員項慶

颺葉芝雲趙鼎英張起蛟等捐建並購竹輿山以瘞紙

次刊有敬字局紀事府學教授戴咸弼爲之序

義冢

禹厓志一在西城外厲壇側一在廣化廂河洲邑人副使王叔果捨一在三十四都黃田一在石奧邑人

林祥

捨一在十八都荷花山下義民黃鑄捨一在八都沙窈娘一在舊縣志在厲壇下國朝康熙十七年知府

王國泰

率屬捐置府志續置義冢記在翠微山郡司理嵇宗孟倡率捐置府志續置義冢一在集雲廂地三

畝五分

知府王國泰置一在集雲廂地三畝同知甘國奎置一在廣化廂地二畝知縣金德孚置一在太平嶺

地八畝

知府芮復傳置一在淨社寺地九畝副使吳士端知縣金廣培置并捐田六畝五分一在淨社寺地三

畝生員方鴻綸

捨一在君子峰下地五分署府袁學謨置一在縣浦地九分總兵施廷專知府金洪銓置一在

太平寺

後地九畝七分零副使朱椿置一在珠浦嶺上

山十畝

知府李琬置新纂一在永塲五都浹底道光

十六年

封職孟瀾清捨一在十九都一里金雞籠山道

光二十九年巡道慶廉爲堂孩置一在十九都珠浦洋

同治十三年知府裕彰置一在永場浹底黃泥坪光緒四年職員孟培祖捨

掩埋章程經費

府志

初副使朱椿募捐銀一百二十

三兩乾隆二十五年知府李琬暨鎮道又捐銀二百兩

一并發典生息又撥三十六都塗田一百五十畝以供

經費並選幹董辦理月查季報建碑亭於飛霞山

知縣崔錫

詳明酌定條規

一土工每日給銀二分董事每季給

銀二兩匠人每製棺一具給銀六錢二分土工以六名

輪值扛擡掩埋之事以二名攜帶筐索鐵鍬在於城隅

河畔檢收幼殤小棺及朽露枯骸并令十日一輪以均

勞逸其骸骨近水而去義冢路遠力難肩回者卽以所

置船載運一掩骼埋胔原爲無主者設其有朽棺須

憑地保查係無主者卽行移埋有主者不得混移其有

有主而詢係貧不能葬願赴義冢者一例收埋一暴

露之棺或底蓋未全損尙可幫扶者須備草索數丈小

心捆縛擡埋不許傾損其骨包日久霉爛者外加蒲包

好爲收埋其包索俱令董事備辦按季彙報支銷一
凡掘坑掩埋總以坑深三尺加高二尺爲度不許苟簡
至於杆埋須一字挨排自左至右一行葬滿方及次行
其貧不能葬之棺雖許附入義冢但可插標祭掃不許
於閒曠之地自行擇穴一捨棺查係孤苦窮民及路
斃乞丐方准給予先刊發兩聯印票交典史收貯如遇
需用保鄰先報董事轉報典史請給典史查明於票內
填入都圖保鄰姓名交董事憑票發棺票存董事處彙
報請銷仍嚴禁捕衙胥役不許需索留難副使徐綿
碑記百昌生於土而反於土惟人亦然人之生也有屋
宇以覆其形死也有葬埋以妥其魄無異情也設生而
露宿野處上雨旁風無所障蔽必不可爲也在昔聖人達於幽
明之故通乎人鬼之情故大司徒以本俗安萬民蠲官
室之後卽繼以族墳墓族師之聯比閭而相保受者必
使之路者則令埋至於蠟氏掌觚禁又著爲令曰若有死於
忍人之政者也考諸傳記若越得防風之骨漢徵貳負
之尸可知聖帝明王雖於元惡大憝尙不借一抔之土
况生不盡嬰罪戾特以無主後而聽其散棄於原野榛

莽若古詩所云白骨不知名縱橫莫覆蓋是宜仁人之
所憫心今漏澤園之設不知始於何時所在有之溫郡
頗缺前觀察朱公曾買地一區而規制未備太守斟城
李君莅任於教養諸大政講求甚悉次第舉行因念掩
骼埋醢亦仁政所不可緩方經度其事大總戎吳公聞
而善之與予並捐俸爲倡守丞暨五縣和之台前朱公
所捐共得銀若干兩貸商出子錢又撥田一百五十畝
爲置槥及他費用然後募夫以供其役擇僧以董其事
而月計歲會則縣與尉筦其凡焉議既定復於公而乞
余文紀其事余以爲惻隱之心仁也仁者生生而不息
生既滅而猶不忍使失其所仁之至也而今猶慮夫人
情善謾以爲枯朽之物凶穢之餘其鬼不靈羣焉受若
值而怠若事不且虛太守之德意乎哉雖然是何慮人
之欲善誰不如我太守以仁物爲心而奉行者各心太
守之心則必覈其實而省其勤無有侵漁墮廢之患不
寧惟是凡厥庶民聞風興起豈無慕義強仁者亦各心
太守之心相與助其費而不苦於時誦舉贏且拓其地
使繼此有所容是生生之理相行於無窮也夫怨厲消
則清和集行見四境之內仁風翔洽風雨時而百穀用
成皆自此一念之不忍感召矣爰勒諸石俾來者有攷

其他條理節目之
詳具載碑陰云

閩幫義冢

府志在西門外廣化五堡翠微山下福建汀

州府八邑商民爲客死者停柩建

乾隆十五年公捐買

字六十七號基二分四毫六十八號基一畝五分一毫

六十九號基九分九毫中建屋二堂後安土主東西停

柩建小屋二十間續於二十八年公增二十六間編列

親朋游蜚水旅櫬聚蹕山暫寄他鄉外應隨故國還柩

停於斯地限滿十年間千秋雙塔峙男女各分安字號

又設骸骨所一間左設普同男女二塔其寄柩分別有

無嗣續議以五年十年燒化葬於塔下郡守俞文漪

碑記嘗讀詩以死喪之戚爲兄弟孔懷至良朋一則日

永歎再則曰無戎豈交情竟以生死殊哉蓋古之人不

輕去其鄉歿則含飯屬下小殮戶內兄弟靡不在側哭

於寢門之外禮也似與兄弟有間耳若過都越國而客

死他所旁無期功之親誰肩窆窆之任則生同里而遊

同方者自不得辭其責焉此義冢之設亦猶行古之道

也閩汀山多田少食指殷繁輒不能株守故里方且遊

吳楚入巴蜀逐什一之利以謀生矧夫浙閩接壤東甌
在望懋遷而來由來久矣其虛往實歸立基業而回故
里者固所不乏而年深月久命運不齊病且死於蕭條
旅館間者亦若而人當斯時也骨肉遠離家鄉何在護
概而歸則登山渡海維艱停棺於野風雨飄零堪虞汀
人士目擊心傷諮於衆購地爲義冢俾得歸土之安而
無意外之患昔郭元振以資錢四十萬助人葬范純仁
遇石曼卿於丹陽詢知其三世未葬慨以麥舟助之千
古傳爲盛事今義冢統一郡之未能歸葬者悉資其助
不且與古人有合耶且吾於是而望禮讓之可復任卹
之益敦何也挾計然之術者莫不權子母而析秋毫雖
至戚密友錙銖亦形於色觀於義冢乃知白骨難歸黃
金何有且解囊襄事死後之所贈倍於生前亦爽然於
計較刀椎之無謂而臨財克讓矣人之家居也鄰里鄉
黨且休戚不相關或至老死不相往來何論同郡觀於
義冢舉一郡中未聞姓氏未識面目者皆動以春露秋
霜之感勝於治比婚姻之舊遠者厚矣近者反薄必有
怒焉難安者今而後仁厚施於里黨亦情所必致也在
力行古道者永矢弗諼是爲記
巡道李琬碑記周
禮秋官蜡氏掌除飢凡有死於道路者則令埋而置楬

焉書其日月縣其衣服任器於有地之官以待其人先
王澤及朽骨慮綦詳矣所謂興哀於無用之地施德於
不報之所也然當其時有封建以限有井田以業民尙
安其土而重去其鄉今四海一統民數百倍於古則生
生死死於異地者雖仁政有所不及周而惟恃鄉鄰風
俗之美敦睦嫻任恤之誼相與哀其窮而平其憾已爾
温州西門外廣化五堡有義冢焉是閩汀商人公建爲
汀人客死者計也構屋二十九間以停棺建塔二座以
埋骨待以十年者體生者之情仁之至也十年後卽火
化者恐無地可容且安死者之魄義之盡也吾聞汀故
閩之名區界連楚越士皆嚮文學而重節義今卽牽車
服賈之儔亦仁心爲質如此豈不足以風薄俗而警懦
夫也哉前守俞公先有文紀其事其言最爲懇摯會商
人來請文勒石予嘉其義因撫俞公所未及者書以貽
之其勅建規制之詳具列碑陰云 一冢內創屋二十
九間以爲停頓喪柩之所外砌普同二塔收拾骨殖
一冢屋每間編一字號凡柩入冢停頓某號登記簿內
以便稽查 一停柩在冢者務將某縣某處居住係何
姓名并有嗣無嗣一一書記棺上照書登記號簿一
無嗣者議以五年爲期有嗣者議以十年爲止過期並

無親人省視卽燒化入桶懸牌書姓氏於上以便查考
一每年冬至日僱工四名收化年滿骸骨入桶務要
代爲登明姓氏以便稽查一年滿應化之柩務宜查
清柩簿預開姓氏懸牌佈告以便奇親人自裁一
燒化入桶後旣懸牌書姓氏於上再停桶五年以俟伊
子稽查領回如五年之外無人認領者概行入塔一
停柩於家須確是汀郡人氏方許寄頓如有詭詐冒混
者查知卽行外徙一冢門鎖鑰及義冢號簿俱交天
后宮首事管如有柩停冢者先向首事說明登簿然後
取去匙鑰至安頓後仍將匙鑰交還並註明號簿係停
於某字號第幾櫃外再付銀
三分交執鑰者不時啟閉

四明公所一名同善堂 在來福門外集雲廂清明橋莊盜郡

同鄉公建爲客死者停柩之所咸豐八年建

浮厝公所 在集雲廂四明公所隔河對面爲暫停有主

無力之棺而設房屋五間議停至年滿遷葬光緒三年

總辦鹽釐局鄒太守仁溥建有紀事碑

初巡道梁公恭辰購買基址建

一牛廐調養病牛未幾廐遭颶壞鄒太守因其舊料添新改作仿四明公所成式公捐建造計集雲一里墾字號七條共承基地四畝六分八釐七毫五忽碑記略

便止亭

在茅竹嶺上明宏治辛酉年建有碑記

詳金石

覺海亭

在十二都大茶山康熙二十四年僧妙立創建

同治四年僧梅谷募捐重建

青來亭

在四都青山下同治二年郡城曾榮卿建

彩虹亭

在四都橫溪下雙橋邊同治十三年建

未雨亭

在三十二都雞籠嶼光緒七年職員孟培祖建

教授戴咸弼爲之記

以上俱新纂

永嘉縣志卷之三十六

襍志一

志地及於庶政備矣然不有志之餘乎天文五行史家列
各志之首而志體與史不同往往以祥異附各門之後舊
志別爲一門湯志與兵事並列今取以冠襍志次者壽昇
平之人瑞也而舊志略焉則補錄之次方外寺觀吾道之
駢拇枝指也次遺聞瑣記足以供穎掃佐塵談因舊志而
增損之者也次存疑辨誤糾正前人之疎略不能已於言
者也其不必存而懋存之者爲附錄本志刊旣竣而續有
所得者爲補遺統名爲襍志云

祥異

休徵咎徵著於洪範至漢劉向父子必求其事以實之或多傳會不知天道遠人道邇予產嘗言之矣地志之有祥異第存其事而不言休咎慮其惑也永嘉舊有白鹿黃龍芝草嘉禾之瑞近代以來不聞有是豈當時好尙使然耶若夫旱澇偏災疫癘閒作則思以人事補救之有土有民者不得盡諉之氣數也今稽厯代五行志補舊志之缺軼並糾正其訛舛者而益以見聞所及著之於篇然自乾隆庚辰以後至今百二十年父老傳聞不過如是其放佚亦不少矣

晉

惠帝永平元年海溢

萬縣府志

明帝太寧元年初立永嘉郡時方建城有白鹿銜花遂名

其城為白鹿城

萬縣府志

孝武帝太元十七年六月永嘉郡潮水湧起近海四縣人

多死者

晉書孝武紀及五行志 按萬縣府志載六月颶風暴雨海溢

安帝元興元年三吳大饑戶口減半會稽減十三四臨海

永嘉尤甚富室皆衣羅紈懷金玉閉門相守餓死

通鑑晉安

帝紀

宋

文帝元嘉二十年夏永嘉郡後池芙蓉二花一蒂太守臧

藝以聞

宋書符瑞志

元嘉二十一年十月己丑永嘉見黃龍白雲而下太守臧

藝以聞

宋書符瑞志

唐

高宗顯慶元年九月庚辰枯州海水泛溢安固永嘉二縣

損四千餘家

唐書高宗紀

總章二年六月戊申朔枯州大風雨海水泛溢永嘉安固

二縣城郭漂百姓宅六千八百四十三區溺殺人九千

七十牛五百頭損田苗四千一百五十頃遣使賑給

唐書

高宗
紀

上元元年郡旱饑長史李皋攝行州事發官粟數十萬斛

賑之

唐書李皋傳

睿宗文明元年十月大水漂流四千餘家

唐書五行志

文宗開成四年饑

文獻通考

五代後周

世宗顯德三年紫芝生於永嘉之西山

十國春秋吳越世家

永嘉西

山南峰有紫芝生於錢令公墓側未幾吳越王歸疆今

其處名紫芝峰

萬厓府志

宋

太宗太平興國四年九月知溫州何士宗獻嘉禾九穗圖

宋史五

行志

咸平三年永瑞俱大饑

萬厓府志

八年州民李遇妻一產三男

宋史五行志

淳化五年二月守臣何士宗獻芝草五本十月又獻十本

宋史五行志

行志

真宗大中祥符元年四月獻瑞竹圖十月獻靈芝圖

宋史五行志

志

八年永嘉縣民張保妻一產四男

盧若騰島居隨錄

仁宗嘉祐三年正月郡大火燔屋一萬四千間死五十人

宋史五

行志

英宗治平二年八月永嘉颶風大水州大火

萬縣府志按宋史治平

三年正月己卯温州火燒民屋萬四千間死者五十人事與嘉祐同疑有一誤

神宗熙寧九年七月颶風大水

舊府志

十年七月大風雨漂城樓官舍

宋史五行志

徽宗政和三年火

宋史五行志

高宗建炎三年大風壞屋覆舟

宋史五行志

紹興二年戒福寺銅佛像頂珠自動光彩激射經日不少

停數日火作寺焚

宋史五行志

三年天旱地震知溫州軍事洪擬以聞

名臣奏議

十年十月十七日火起望京門外飛爆延燎譙樓開元寺

萬曆府志十一月丁巳大火燔州學酤征舶等務永嘉縣治

及民居千餘

宋史五行志

十六年大雷電震死六人於龍翔寺

宋史五行志

十九年秋旱大饑

浪語集

二十年大饑

永心集

二十四年饑

永心集劉子怡墓誌

三十二年七月戊申大風壞屋覆舟

宋史五行志

大水

舊府志

孝宗隆興元年大風饑

舊府志

二年大旱草根木實俱盡

永心集劉子怡墓誌

乾道元年二月寒敗首種損蠶麥

宋史五行志五

二年八月丁亥大風雨海溢漂民廬鹽場龍翔寺覆舟溺

死二萬餘人江濱齕骸尙七千餘九月遣官案視水災

振貧民決繫囚

宋史五行志

按舊志是年夏海門有蛟出水長丈餘既而塔頭陡門水吼三

日海上結乳成錢有父老識之曰海將以錢鬻人也至八月十七日颶風挾雨拔木飄屋夜潮入城四望如海四鼓風回潮退浮屍蔽川存者什一

宋史

乾道二年八月辛未朔丁亥正十七日也

舊府志

四年八月州大火

五年夏秋凡三大風水漂民廬壞田稼人溺死者甚衆十

月振被水貧民以守臣監司失職降責有差

宋史五行志五

六年五月大水六月大旱

宋史五行志

九年久旱無苗麥秋饑宋史五是歲九月火經夕燔縣治

及居民七千餘家舊府志

淳熙六年秋水壞圩田宋史五

七年八月試士火作於貢闈宋史五是歲秋貢院火應試

者八千人焚死者百餘舊府志

九年夏秋旱宋史五是歲自五月至秋七月旱舊府志

十二年八月火燔城樓延及四百餘家宋史五

十六年秋螟宋史五

十六年大饑春田無力耕種湯守碩給官米借田主與佃

戶通田舊府志

光宗紹熙元年六月五日永嘉監前火延燎六百餘家九

月二日洗馬橋火起雁池止延燎五百餘家萬縣志

二年三月癸酉大風雨雹大如桃實平地盈尺壞廬舍五

千餘家禾麻菜果皆損宋史五行志

五年八月大水宋史五行志

寧宗慶元五年秋水漂民廬人多溺死宋史五行志是歲六月

霖雨至八月舊府志

嘉定八年春夏旱甚宋史五行志按舊志作嘉泰八年五月至八月大旱誤

十四年旱蟲螣為災宋史五行志按舊志又作嘉泰誤

理宗寶慶元年七月大水宋史五行志

紹定元年六月郡大火燔六百餘家九月燔五百餘家

續文獻

考
獻通

淳祐六年十一月郡東門大火燔六百餘家

續文獻
通考

寶祐元年七月庚寅大水詔發廩振之

宋史五
行志

三年五月二十二日大來橋火起延燔九曲巷并崇德寺

萬
厓
志

度宗咸淳初永嘉海壇嶺下江沙忽漲人以爲異先是有

童謠云海壇沙漲温州出相未幾陳宜中大拜

萬厓
府志

四年七月禾有異畝同穎郡守王亞夫聞於朝有旨陞溫

州爲瑞安府增額四員

萬厓
府志

恭宗德祐元年十一月初六日夜趙與擇潰軍縱火起應

道觀巷三日不滅舊府志

元

世祖至元五年芝草生於郡城之松臺山狀如連雲文彩

煜然舊府志

十四年五月大火六月颶風大水舊府志

十五年大饑舊府志

二十八年春甌中雨土林霽山集
有雨土詩

二十九年十一月大火次年正月又大火續文獻通考
按癸辛雜志至

元丙申三月十八日永嘉天雨黑米粒小而多
飯可食攷至元無丙申或至正之誤附識於此

成宗元貞二年大饑九月拱辰門火延燒城市大半續文獻通

大德元年七月十四日夜颶風暴雨海浪高二丈壞田四

萬四千餘畝屋二千餘區續文獻通攷

仁宗延祐元年八月郡大火自拱辰門延燒大街東向抵

海壇華蓋山麓至瑞安門舊府志按續文獻通攷作延祐二年八月二十七日

泰定帝泰定元年夏虹見九頭其色如血秋八月夜地震

海溢舊府志

文宗至順二年枯蒼山中秋水暴溢被郡境颶風激海水

相輔爲害隄傾路圯亭隨仆永和鹽倉亦圯水怒未已

且將破廬舍敗城郭

見黃文獻潛永嘉縣重修海塘記

順帝至元三年六月蝗

元史五行志

六年大旱

府志仙釋傳

至正元年夏饑

元史五行志

四年七月颶風大作海水溢漂民居溺死者甚衆

元史五行志

按綱目是年温州地震

五年夏温州饑

元史五行志

八年永嘉大風海舟吹上高坡十餘里水溢數十丈死者

數千謂之海嘯其後方國珍據海爲盜屢犯永嘉死兵

刃之下者無算

七修類稿續文獻通考

九年三月大雪

元史五行志

十二年七月初七日夜來福門內火燔淨光寺并塔崇德

寺大來橋數百家

萬厯府志條下泰定無十二年疑卽至正

按舊志在泰定四年

十三年大旱民鬻子食

采景濂文集

十七年夏六月温州大水沒千餘家

草木子按元史五行志至正十七年六

月癸酉温州有龍鬪於樂清江中颶風大作所至有尤如毬死者萬餘人

二十二年秋八月大風海溢

舊府志志作至元恐悞

二十五年饑

萬厯府志

二十七年十月火城內焚燬大半

舊府志按舊志作至元恐誤

明

太祖洪武八年秋七月大風雨海溢沿江居民多淹沒舊府志

志

二十一年旱大饑萬縣府志

成祖永樂二十一年自秋至明春不雨晚禾無收早秧亦不能下民大饑草根木皮食之殆盡死者枕藉於道萬縣府志

府志

宣宗宣德元年五月永嘉樂清颶風急雨壞公私廨宇及

壇廟明史五行志

宣德間海壇沙復漲邑人黃淮大拜萬縣府志

六年六月颶風大作壞公廨祠廟倉庫城垣明史五行志

憲宗成化二十二年九月旱

明史五
行志

孝宗宏治二年六月初七日夜颶風挾雨自東北來聲如

怒雷摧屋折木禾稻損十之四

萬縣
府志

三年大饑

康熙
府志

八年二月壬申暴風雨雹大如鷄子小如彈丸積地尺餘

白霧四起毀屋殺黍禽鳥多死

明史五
行志

十一年饑

方川何
氏譜

武宗正德元年十二月地震有聲如雷地出白毛長者三

四寸

溫州
府志

自元年冬至二年春麥穗桃李實其冬永嘉

花盡放

明史五
行志

五年饑

萬麻府志

七年嘉興金華溫台寧紹乏食

明史五行志

十年大疫

方川何氏譜

十二年四月永嘉樂清二縣地

大震

生白毛

萬麻府志

十三年六月大水

萬麻府志

十六年大旱

府志仙釋傳

世宗嘉靖初海壇沙漲永嘉張孚敬大拜

萬麻府志

五年大旱饑永嘉瑞安樂清三邑尤甚

萬麻府志

八年春多虎爲害

萬麻府志

八年八月大風雨海溢

舊府志

十三年七月旱八月颶風大作什温州衛治及佛寺民居

萬厓府志

十八年春淫雨苦農秋旱魃爲虐

項喬臬東私錄

二十三年三月十八日大雨雹至四月閒大旱五月初郡

守祈雨不應十七日迎龍母於蒼山晚大雷雨十八十

九二日連雨

岐海環譚

二十四年大饑

萬厓府志
甌東私錄

三十三年九月大火

舊府志

三十三年九月大水溪鄉居民多淹沒蕩去田地數千畝

萬厓府志

三十六年三月地生白毛

舊府志

三十七年秋八月府門兩廊清軍理刑廳火

萬縣府志

四十年夏六月大風雨拔仆永嘉縣學廟門及民房

萬縣府志

四十五年正月一日夜分地震生白毛

萬縣府志

穆宗隆慶二年秋七月大風雨漂沿海居民田地無算

萬縣志

府志

神宗萬曆二年六月大風雨七晝夜沿溪民多溺死

萬縣府志

三年大旱

劉氏譜

五年八月二十二日未刻日色正烈忽然天鼓一聲五邑

俱聞

舊府志

十七年七月己未杭州紹興温州地震（明史五行志）

三十二年十一月九日地震有聲屋瓦有隕地者五邑皆

然（舊府志）

三十三年十月十四日地大震（舊府志）

三十五年五月不雨至閏六月二十八日大雨徹五日夜

不止水暴溢一城爲壑昆陽三港間居民溺死以千計

至有母子相抱浮屍於江者（何白汲古堂文集）

四十二年秋七月大雨（康熙府志）

四十六年東方有白氣如匹練衝天數月始滅（舊府志）

四十七年夏海水暴長不逾時而落鱗介之屬僵死盈路

舊府志

莊烈帝崇禎四年八月龍從永嘉江中起循郡城南度松臺山飛石拔木壞城垣及民居數十處舊府志

國朝

順治五年秋颶災饑饉

朱鴻瞻竹園彙稿

七年正月五日酉時天裂東南紅光燭地移時始復

舊府志

是年饑

劉氏譜

九年十月四日天雨綿狀如飛絮

舊府志

十六年春夏秋大疫

舊府志

康熙四年七月各鄉山鳴聲如浪湧八月露凝樹枝其甘

如蜜舊府志

七年七月五日大風雨損壞城垣廬舍市可通舟八月地

生白毛舊府志

九年饑劉氏譜

十年七月二十九日大魚起永嘉江中其脊如山兩日始

伏舊府志

十一年七月二十九日永嘉有白龍見雲端鱗甲朗然可

觀閏七月十六夜有虎入城舊府志

十二年秋譙樓南石磚隙中忽生西瓜無水自長藤葉滋

蔓數尺發花結實瓜大如拳康熙府志

十三年夏龍見舊府志

二十年春地震夏大旱至九月城中大火燎民舍五千餘

家舊府志郡守徹署門額投煙焰中火始息金璋漱芳齋厄言

二十一年二月雨豆舊府志

六十年大饑奉文運米賑粥浙江通志

雍正二年大水浙江通志

十年正月初九日縣民李天錫妻林氏一產三男浙江通志

乾隆二年大水明年春奉文運米賑粥舊志

六年海水溢沿江田畝淹沒奉文賑卹舊志

十五年蟲災九月大水奉文賑卹舊志

十六年大旱奉文賑卹

舊志

二十二年六月東山竹花紫色結實如麥

曹川詩注

六十年郡城七聖廟大樟樹自焚中藏竹木箸無算經日

焚盡

甄乘補

嘉慶元年春正月嚴霜殺物夏五六月大旱歉收

黃挺相述

秋八月壬寅朔颶風爲災是日天陰晡時風雨起入夜暴

烈雨雹交下大風拔木電掣潮激或云蛟鬪比曉方止

壓壞城鄉官民廬舍斃人口牲畜無算時魁制憲閱兵

在溫馳奏撫卹

案陳汝瀛偶記元年八月初一颶災異常是夜二更將盡南方天裂有大火若

輪甫出天際火光迸散大風隨至舢舨船沈沒甚夥其夜南塘民房被風壞者門戶皆有燒痕見甄乘補下同

三年春夏大疫冬大寒人民凍斃甚夥

五年六月颶風

七年秋九月二十四日雪

八年五月颶風

九年夏秋霪雨傷稼歉收

十年痘疫

十四年六月初六初七兩夕颶風十一月西門外江有大魚無鱗皮黑肉紫約十餘丈或云海鮓肉重數萬觔

十六年春正月元旦大雪三日二月二十三日地震自三月至夏四月大霖雨五月至秋七月大旱早禾盡槁晚

禾有蝻及登場時陰雨兼旬升米錢六十民大饑茶諸軒詩

注集

十八年九月十一夜地震十二日午刻微震二十四夜又

震戶壁為裂環鐵皆鳴王朝清雨窗瑣錄見歐乘補

二十三年三月十八日晚大雨如注延至二十日黎明平

地水高三尺西山崩陷里許余懷英筆記六月廿九日大風

拔木歐江逸志

二十四年六月初八日大雨震電不止屋瓦皆飛擊死三

人壞石牌坊一碎同安船桅二驚死復甦者十餘人余懷

英筆七月十六日驟雨狂風歐江逸志

二十五年旱饑是秋颶災郡邑大疫

道光元年疫八月大水二年又疫民間盛傳雞勝生爪三爪可食四五爪不可食食之殺人

三年春淫雨害禾

（麟乘補）下同

十年七月二十三日安溪黃壇石碾起蛟裂山而出沙石

飛走漂沒田廬淹斃人畜無算

未水前三日更後有聲如牛吼或謂蛟鳴也

十一年夏秋瘟疫

五月不雨至六月旱甚十九日風雷二十至二十三連日大風雨天氣暴疹致

成癘疫

十二年秋八月二十日颶風大雨壞田廬人畜洋面漂沒營船連日洪潮入城河水爲渾晚禾歉收三十都朱山

朱阿東家雄雞生四足不能啼阮山陳錫項家牛生一
犢兩頭三日方下母牛與犢俱死十月二十二日十一
月十五日大雪虹見

十三年春夏大疫六月初十日大風潮害禾茶坑貓竹開
花白色旋開旋落

十四年春夏大疫大饑石米八千死於饑疫者日以千百
計無棺則以藁裹之情形極慘劉太守煜移鹽義倉穀
濟之並捐賑活民甚衆六月十七八等日颶風大雨二
十六日昏夜大星自東南飛度西北白氣如練隆隆有
聲紅光燭地九十月之交大雨兼旬風潮沖沒晚禾歉

收

十五年夏旱秋大風潮漂溺舟師商舶無算官兵王大成等領兵四十餘人沒於海田禾歉收

十六年夏大疫

十九年四月初八夜四更天鼓鳴於東南方五月十五十六等日寒雨衣裘冬雷

二十一年閏三月十六庚午立夏大寒夜半雨霰傷禾

二十三年五月縣學署芙蓉開花閏七月大水入城八月風災晚禾歉收

二十六年春夏大疫無雨六月十四日地震七月十四日

永嘉縣志 卷三十一
颶風大雨兼旬爲災壞永嘉文廟及公廨民居秋冬瘧痢流行

二十七年秋颶風爲災大疫晚禾豐收

二十八年四月初八夜大雨雹大者如雞子麥穗被折是年早禾豐收米石一千六百

二十九年五月七都張家地噴血如流郡城康寧巷吳家地亦同日噴血染人手足兩三日方滌去

三十年痘疫童稚多殤

軼事
隨筆

咸豐三年三月十七日夜地震六月十七至二十六日大雨十晝夜水溢街衢壞廬舍鄉村尤甚早禾已熟不能

登場穀價踴貴二十六日夜龍潛村山圯覆屋傷一十

九人

新纂
下同

五年七月初八夜颶風發屋折木八月初十日颶風亦如
之幸田禾無損

同治元年二月初四日十六都下鄭村民家地出血
四年正月十六日夜風雪中雷電交作

九年三月初七日午刻永場張象麒鄰家婦被雷殛後二
日天降紅雨簷溜如血簷下有浣衣孟衣皆染赤揭衣
出水仍如故逾二刻溜止孟水漸淡

十三年八月初四日三十都村民家雷震死四人

光緒元年二月二十五日府學巷民家有豕生象色灰白
無毛逾時而斃

五年六月二十一日未刻大風雨壞官廨民居一炊許風
止蓋龍風也冬暖桃李花

七年七月十八夜半大風毀垣拔木早晚二禾俱豐收

耆壽

史稱越人勇之言東甌王壽百六十歲信與宋時有李
元老年逾百齡載在前史其見於他紀傳者亦往往而
有至我

朝重熙累洽湛恩汪濊山陬海澨擊壤興歌故自百齡以
上及五世同堂皆有 恩賚謂非昇平人瑞與舊志不
著於錄鄉僻小民漏未呈報不獲仰邀 盛典者當復
不少今彙而錄之爲子若孫者知所歆羨而不墜於上
聞亦教孝之一端也夫

宋

李元老 景定三年九月丁丑温州布衣李元老讀書安

貧不事科舉今已百四歲詔補迪功郎致仕本郡給俸

理宗

國朝

郭嘉士字秋田郡城倉橋里人道光癸卯年百歲

詔賜七品頂戴給帑建坊額曰昇平人瑞壽至百有八歲

錢塘吳鳳藻撰文林郎郭公墓誌銘公諱嘉士字秋田溫
州永嘉人也先世籍台之臨海考定魁遷黃巖公久遷溫
居郡城之榮蔭里遂為永嘉人公抱質任真享人世希有
之壽雖其名德未顯於世而淑身型家之範垂世裕後之
模有足以矜勵者固宜其獲福之優而後之方興未艾也
公於兄弟次居長與仲弟嘉賢季弟嘉德怡怡友愛有美
家大被之風兩弟相繼逝公撫姪炳松炳文炳江如所生
及遷溫遂挈以俱來配陳孺人早亡公不再娶以仲弟子

炳松爲嗣蓋其天性之篤而識見明達類如此家貧而好義往往分所有以啁人乏若忘乎己之不足也者生平淡泊寡營特善睡眠體尤強固自少壯至老未嘗近藥餌怡神適志年逾上壽殆得天獨全者與公期頤之歲有司以事聞於朝詔予七品頂戴賜金建坊額曰昇平人瑞既而諸同人爭爲歌詩以貽公爲上壽徵詩錄一卷於以誌壽康之美而揚寵錫之麻甚盛事也公壽至百有八齡起居宴息如恒偶晨興微倦思臥甫就枕目遂瞑視之已卒時道光庚戌八月十四日巳時也始公布衣閭修每以身未成名爲憾及諸孫繼起延師講學所以督課之者甚嚴而期望之者甚殷其後長孫景修果以文行受知於昆明趙文恪公以選拔貢入成均次三孫及從孫均能文有聲庠序間蓋其志趣超邁而佑啟後人者又如此鳴呼公之福集於身而慶鍾於後其可以含笑於九原矣嗣子炳松封儒林郎孫三長卽景修待銓教諭次景雲三景銓皆諸生曾孫一輔忠公生於乾隆癸亥三月十七日丑時今將葬公於永邑上鄉丁么之橫山鳳藻與景修同舉拔萃科知公詳謹揭之墓石并系以銘曰上壽難期況乃過之汾陽遺裔篤慶鍾奇殖德斯獲載福有基佳城克卜嘉蔭蕃滋

吳宗元十二都茶山人咸豐丙辰科 恩榜舉人丁巳科

會試時年百歲 欽賜進士 賞翰林院編修銜給

帑建坊

以下俱採訪冊

謝欽誥郡城人年百三歲同治十年奉 旨給帑建坊

額曰昇平人瑞 恩賞上用緞一疋銀十兩

林起康二十四都林山人年百歲子錦朋年七十六歲

潘陳氏楊興人鮑岡潘某妻現年百三歲

陳振松妻葉氏十都魚鱗浹人現年百歲孫四人曾孫五

人各安農業

生員徐日隆乾隆時人五世同堂夫婦年皆九十巡道芮

復傳給宇宙太和額以旌其間

鄭廷南相溪表山人字希棟號蔚山例貢生世爲農家子
渾厚和平子四人孔炤孔熙入邑庠孫十一人曾元繼起
五世同堂妻胡氏夫婦年逾八旬嘉慶己卯詳請具題
奉 旨給盛世休徵額

陳國益字熙亭三十都元山人妻吳氏年皆八旬子八人
孫十四人曾孫三人元孫一人五世同堂道光元年詳請
具題奉 旨給帑建坊

歲貢張振奎妻徐氏下河鄉白象人年九十六道光九年
巡道賈聲槐贈五世同堂額

司馬廟元
鄉賓陳義海號朝宗枏溪四十八都灣里人年八十三妻
高氏年八十五子二人孫十二人曾孫三十人元孫二人
五世同堂

鄉賓李廷亨枏溪五十一都鯉溪人年八十三妻夏氏年
八十一五世同堂

陳元煜妻鄭氏枏溪四十八都芙蓉人年九十九子三人
孫七人曾孫十一人元孫二人五世同堂

鄭清傑枏溪四十九都林里人年八十一歲五世同堂
潘壽橋妻吳氏壽九十一歲子二人孫十人曾孫十七人
元孫一人五世同堂

生員諸葛蘿十二都人年九十五歲子彪孫夔皆入庠乾隆時人

陳禮勤楊嶼人現年九十五歲猶能扶犁耕田與諸孫刈麥分秧爭後先爲樂

鄉飲賓潘盛芳西溪昆陽章當人卒年九十六歲

耆民潘光昌章當人現年九十二歲

鄉耆陳易田字九疇號耘五原籍嚴州建德縣人隨父遷溫入籍永嘉今爲梯雲里人現年九十八歲妻葉氏現年七十一歲子五人孫四人

王國秀號味蘭其父某寧波人曾任温州城守營都司遂

家焉國秀善以指畫蘭菊花卉人寶愛之卒年九十三歲
右自百齡以上及五世同堂俱例準具 題褒獎其年
在九旬外者亦并著之共二十一人未及九旬者不備
書

方外

漢以黃老治天下晉以老莊說易而釋道安佛圖澄之
流揚其波而熾其燄幾與吾道爲敵東顧自漢開國迄
六朝遂有著名仙籍者至唐宿覺禪師有永嘉集爲禪
宗之倡五代宋元紛然接踵志地者登之簡冊累幅不
盡何其詳也有明以後亦稍衰息至

國朝崇尚儒術二氏之學不昌二百餘年竟無一人可傳
昌黎諸大儒奮然闢之而不足今固不待闢矣豈非吾
道之幸歟茲因舊志所存時代或多訛舛稍爲詮次而
仍之未載者概不闌入竊嚴毋濫以是爲異端之防焉

耳矣

三國吳

朱孺子安固人幼師道士王元真居大若巖常登山嶺採黃精服餌歷十餘年一日就溪畔濯蔬見岸側二小花犬孺子異之乃尋逐入枸杞叢中歸告元真遂與孺子俱往伺之復見二犬戲躍逼之又入枸杞下元真與孺子共尋掘乃得二枸杞根形如犬堅若石挈歸煮之孺子益薪看火三日晝夜不離竈側試嘗汁味取喫不已及根爛以告元真共取食之俄頃孺子忽飛在前峯上謝別元真昇雲而去俗呼其峰爲童子峰元真後餌其根盡不知其年壽

亦隱於巖之西陶山有採捕者時或見之續仙傳

晉

劉根字君安隱積穀山飛霞洞嘗乘赤霞至天台赤城訪紫靈君舊傳有孺子鬻糖遇一道人引之入洞見臺閣森嚴二人對奕歸語其母母往視之至則巖壁合矣仙家雜記按

名勝志晉邑人劉根隱飛霞洞則根乃永嘉人與後漢書所載之劉根係潁川人不當混而為一浙江通志

唐

傅隱遙吳甘露初棄家爲道士居石室山大若巖辟穀修煉至唐調露元年丹成上昇游戲人間蓋四百餘載也今大若巖左有登仙石兩浙名賢外錄

元覺字明道俗姓戴總角出家住龍興寺觀其寺旁別有勝境遂於巖下自構禪菴居其間以獨學孤陋與東陽策禪師肩隨遊方詢道謁韶陽能禪師而得旨焉旣決所疑能留一宿號曰一宿覺猶曰半偏青也先天二年於龍興別院端坐入定殯於西山之陽覺唱道著明修證悟入慶州刺史魏靖都韓綴之號永嘉集高僧傳李邕作神道碑云無證無修不離此心而得佛或默或語未嘗有法以示人世稱宿覺禪師佛教自六祖以來顯者三人南岳懷讓清源行思永嘉宿覺也懷讓之下有馬祖南泉趙州臨濟行思之下有石霜樂山雲門曹溪諸派宿覺之下獨無傳惟

證道歌行於世元和中郡守杜黃發墳視之遺體如故因
爲營塔名淨光後守朱褒上其事僖宗賜諡無相大師萬曆

溫州府志

左元澤性介不隨俗居玉霄峰三年絕粒不語常製真一

頌赤城志

元澤事方瀛徐靈府因卜居香林峰石室中靈府

愍其勤恪遂授以祕要溫州青嶂觀有土地祠里人嘗以
血食祀之苟祀不至則爲祟元澤以杖笞神背翼日有大
狸死於庭一日忽謂主觀者曰某將他適請置湯沐掩蓋
日但隨香氣而去盡處則止是夕風雨雷霆交作將曉聞
唱珍重聲往視之已化矣如其言瘞之果得自然石礦神仙

通鑑

葉俊己字歸仁咸通閒爲道士操行清潔居郡西華洞歲
早郡守命禱而雨乾寧元年郡奏其行業昭宗賜以紫衣
書玉清觀額以寵之

萬厯溫
州府志

鴻莒鴻楚姓唐氏出家越州龍宮寺誦法華經得度往長
安學律因讀化度寺碑時有舉人傍聽見莒目瞻多行異
之知能背誦覆其文了無一誤歸故鄉晝夜行道誦經有
鬼神扶衛或爲然燭或代添香弟鴻楚字方外錢武肅王
於杭州龍興寺開度戒壇召楚足臨壇員數因奏薦梁祖
賜紫衣并號因讓弗許終不披著講法華經計五十許座

一日講堂中忽生蓮華重跏趺複葉香氣芬馥以長慶三年

無疾而化

高僧傳 宜作長興舊志誤

元宗姓吳氏少出家抵江陵辭朗禪師門決了疑貳復振錫紫金山山先多虎暴從宗卜居哮囁絕迹一日見一老父趨及座前拜跪宗問何人答曰我本虎也在此山中食啖衆生因大師化此冥迴我心得脫業軀已生天道故來報謝折旋之頃了無所見以大厯二年囑別門徒湔然而化春秋八十六

高僧傳

誓光字登封姓吳氏唐左庶子競之裔幼捨家於陶山寺剃度多作古調詩長於草隸陸希聲謫官豫章光往謁之

授其五指撥鐙訣乃西上昭宗召對御榻前書賜紫方袍
歸甬東終焉弟子從瓊溫州僧正智琮皆得墨訣高僧傳晉

光潛心草字名重一時吳融司空圖皆稱羨之宣和書譜

螺溪淨光尊者名義寂字常照胡氏子母受孕卽厭葷食
及產有若紫帟蒙其首入開元祝髮學止觀於天台疏法
師自安史亂及會昌焚燬教典多殘缺吳越王因覽永嘉
集有疑義以問韶國師韶曰此係教典可問天台寂師王
卽召問師答以出於智者妙元自唐末教典散失故此諸
文多在海外王卽遣使十人往日本求取教典旣歸爲建
寺螺溪扁曰定慧寺號定光法師台教復興師之力也爲

台宗十五祖

高僧傳

德倫世稱錐刀尊者常以錐刀自隨人有丐之者曰錐刀從我覓邪此刀墮地則天下太平未幾忠懿王納土人以爲驗相傳國城西河故德倫所鑿

十國春秋

道憇字德順陳氏子六歲不苟葦親黨強啖以枯魚輒吐去因薙髮於本州開元寺旣而抵閩謁雪峰禪師妙契宗旨時謂之小憇布衲歸住東府鏡清寺倡雪峰之法學者奔湊副使皮光業辭學宏麗屢擊難之退謂人曰憇師之高論人莫窺其極也文穆王命主天龍寺後勅龍冊寺延請居焉天福初示滅塔於龍冊山

十國春秋

永安姓翁氏後唐天成中結菴天台錢武肅王召居報恩寺署號禪師乃以華嚴李論爲會要將合經雕板印行每有檀施罕聞儲畜以宋開寶甲戌歲終焚之其舌存焉今藏普賢道場高僧傳

朋彥姓秦氏本州開元寺受具初參寶姿和尚歸於天台之室悟正法眼自此隨緣闡法姑蘇節帥錢仁奉禮重創院請轉法輪建隆二年以住持付門人法齊繼世說法卽其年四月示滅景德傳燈錄

宋

曉榮姓鄧氏幼依瑞鹿寺出家登戒聞天台國師盛化遂

入山參禮受心法初往杭州富陽淨福院後住龍冊寺二處皆聚徒開法淳化庚寅於秀州之靈光寺淨土院歸寂

壽七十

景德傳燈錄

遇安住溫州瑞鹿寺師事天台闕首楞嚴經悟旨時謂之安楞嚴至道元年春示寂

指月錄

遇安將示寂有弟子蘊仁

侍坐遇安說偈曰不是領頭携得事豈從雞足付將來自

入棺經三日門人起棺遇安向右脇而臥衆哀慟遇安乃

再起升堂說法訶責垂戒曰此度更起吾棺非吾徒也言

訖復入棺而化

萬曆溫州府志

契能永嘉人主天台常寧講道不倦自智者已來以爐拂

傳授爲信至師嫡承爲十四代晚年以授扶宗忠師扶宗
曰吾得法廣智矣師乃藏之天台道場遂不復傳

溫州府志

本先姓鄭氏年二十五爲沙彌詣天台國清寺受滿分戒
卽造韶國師服勤十年住瑞鹿寺足不歷城邑誨誘門弟
子踰三十年其志彌厲大中祥符元年二月謂門弟子如
晝曰爲我造塔塔成我去矣八月望日畢工是日如平居
至午時坐方丈手結寶印奄然開一目微視而寂如晝奉
其所著竹林集十卷詣闕上進詔藏祕閣如晝賜紫衣

見僧

寶傳

按葛屨志作張氏子大
中祥符六年示寂與此小異

李少和世居大羅山聞白石洞爲鬼墟曰吾嘗東望綵雲

覆其上必佳山也乃獨造其頂晏坐鬼神咸迓太宗真宗
屢召對賜予甚厚仍賜白石巖額天禧五年八月十八焚
香危坐命門人取紙書曰寶珠探妙得真宗五色分明煥
太空解下連環竟超越鬱羅深處晏鴻濛擲筆而逝

李建中李

少和
行狀

張無夢開元觀羽士真宗召對講易謙卦上曰獨說謙卦
何也對曰方大有時宜守之以謙復命講還元篇敷對詳

明真宗悅宸翰賜詩寵其還山

萬厯溫州府志

字靈隱號鴻濛子

與种放劉海蟾方外交師陳搏遂得微旨

名賢外錄

處謙姓潘氏母夢瑞雲入懷娠三年而生九歲依常寧契

能出家學於天竺慈雲復謁神照大闡圓頓之旨擢第一座歸永嘉繼能公之席遷慈雲妙果少師李端慈請主白蓮北海郡王爲請神悟之號郡大旱師至龍湫語曰汝受智者大師付囑遇旱當施甘澤胡勿應邪忽墨雲從湫起驟雨如注後屢應諸方之請十座道場熙寧乙卯示寂

溫州

府志

懷賢字潛通

府志作道

俗姓何氏郡之西山有僧嗣仁修西方

白蓮淨觀號嗣仁社主乃從出家天禧二年落髮受具時年十四歲及長嗣社主去遍參知識最後見達觀禪師曇穎於潤之因聖遂得其法皇祐初開堂於郡之瑞竹院達

觀自明州雪竇徙金山之龍游會示寂郡守請師繼焉積
八年殿堂廊廡皆具宮室之盛冠於淮海熙寧元年遂謝
去隱於金牛山元豐五年九月示寂葬金牛山之西壠秦觀

圓通禪
師行狀

繼忠姓邱氏父母乞嗣於天台章安佛祠後夢僧授以子
云此螺溪尊者也寄汝育之母娠卽厭葷忠八歲落髮受
戒長習經律勞苦得疾不瘥乃精觀音三昧恍見大士授
水灌頂乃瘳四明延慶廣智大師傳天台教忠往參代師
講演雪竇見而歎曰此法器也後杭州大旱郡牧范公仲
淹命禱於湖山衆推忠甘雨遂應歸住法明寺法席之盛

冠於東南元豐五年正月八日集衆告別有登吾道場者
生生世世不失人身之誓著扶宗集五十卷趙清獻公忬
贊之曰教明圓通聽衆依響以心傳心以真破妄真兮謂
何有相非相如水中月如鑑中象

萬厯溫
州府志

處元久參扶宗遂繼法明之席著輔贊記三卷義例隨釋

六卷發明荆溪之旨學者宗焉

溫州
府志

道淵號息安久依扶宗深透教觀居西湖永明常論修性
離合之旨指要雖示其妙後人或成異說乃收束諸文立
爲二義後示寂當盛暑停龕旬日顏色鮮好白乳香若蓮
花越三年大風折木壞其塏滿龕舍利

溫州
府志

何居中元豐觀道士嘗遇異人授以隱書能制魔却祟病者不遠千里求符命立愈名聞京師大觀四年召見宣和殿使禳京城火患治制郡妖及祈雪太乙宮皆有驗賜號

眞應先生

萬厯溫州府志

林靈素溫州人少從浮屠學苦其師笞罵去爲道士善妖幻往來淮泗間丐食僧寺僧寺苦之政和末王老志王仔昔旣衰徽宗訪方士於道左錄徐知常以靈素對旣見大言曰天有九霄而神霄爲最高其治曰府神霄玉清王者上帝之長子主南方號長生大帝君陛下是也旣下降於世其弟號清華帝君者主東方攝領之己乃府仙卿曰褚

慧亦下降佐帝君之治又謂蔡京爲左元仙伯王黼爲文
華吏盛章王革爲園苑寶華吏鄭居中童貫及諸巨閹皆
爲之名貴妃劉氏方有寵曰九華玉真安妃帝心獨喜其
事賜號通真達靈先生賞賚無算建上清寶籙宮密連禁
省天下皆建神霄萬壽宮浸浸造爲青華正晝臨壇及火
龍神劍夜降內宮之事假帝誥天書雲篆務以欺惑衆
其說妄誕不可究質實無所能解惟稍識五雷法招呼風
霆間禱雨有小驗而已令吏民詣宮受神霄祕錄朝士之
嗜進者亦靡然趨之每設大齋輒費緡錢數萬謂之千道
會帝設幄其側而靈素升高正坐問者皆再拜以請所言

無殊異時時雜捷給嘲詆以資媒笑其徒美衣玉食幾二萬人遂立道學置郎大夫十等有諸殿侍晨校籍授經以擬待制修撰直閣始欲盡廢釋氏以逞前憾既而改其名稱冠服靈素益尊重升温州爲應道軍節度加號元妙先生金門羽客沖和殿侍宸出入呵引至與諸王爭道都人稱曰道家兩府本與道士王允誠共爲怪神後忌其相軋毒之死宣和初都城暴水遣靈素厭勝方率其徒步虛城上役夫爭舉梃將擊之走而免帝知衆所怨始不樂靈素在京師四年恣橫愈不悛道遇皇太子弗飲避太子入訴帝怒以爲太虛大夫斥還故里命江端本通判温州幾察

之端本廉得其居處過制罪詔徙置楚州而已死遺奏至

猶以侍從禮葬焉

宋史方技傳

又萬厯府志載初名靈

言一日有道士踵門求見附耳語移頃忽失笑而語自是日記萬言吐辭成文嘗游東京侍蘇子瞻游瑞佛寺覽碑記數萬言過目成誦蘇大奇之入蜀道遇真人趙昇得神霄大法政和三年至京寓東太乙宮徽宗夢跨白龍游神霄宮會靈醮騎青牛入覺而異之命徐知常訪神霄事知常以靈醮應上召問視狀貌如夢中所見遂賜名靈素嘗侍晏太清樓下見元祐奸黨碑靈素稽首上怪問之對曰碑上姓名皆天上星宿敢不稽首後因大水臨城上疏言國難將至請遷都避之蔡京見疏嗾全臺劾其妖言惑聽靈素卽辭歸與祠温州天慶觀案此與宋史所載不同舊志因之姑節錄焉

夏元鼎字宗禹號雲峰散人幼嗜學博極羣書屢試不第應賈許二帥幕出入兵閒至上饒夜感異夢遂棄官入道

嘗遊南嶽祝融峰遇赤城周真人授以丹法注陰符藥鏡
悟真三書其悟真講義真西山爲之序歸隱西山修煉後
無疾端坐而逝是日鄉人在閩中者見之寄書歸號西城
真人今其地名夏仙里云

萬厯温州府志名賢外錄蓬萊鼓吹附錄

黃良晤字應伯真華觀道士精五雷法嘗飛神朝謁經日
始蘇華蓋山羣鵲縱穢默禱皆悲鳴而去嘗大醉偃臥有
求符者卽顧溫侯像曰汝可往至某人家患者覩藍面將
而愈靈異多類此後坐化

萬厯溫州府志

文昌久依慈雲克盡其道時輩推爲前列後往南湖見法
智所詣益遽旋鄉爲妙果第一世慈雲門下授講者二十

餘人師爲之首

溫州府志

如湛焦氏母夢寶塔而生試經得度謁東靈欽師後參淨覺於橫山盡得教觀之旨主東溪壽聖日誦法華一部佛號二萬聲有求爲知事不見用憾之懷刃入室見十數人皆同師形其人愧懼而遁一日集衆念佛而逝闍維得舍

利五色

溫州府志

道琛永嘉彭氏子樂清政洪院僧住天台一日悟旨不假筌蹠而言辯如流紹興間住資福寺每堂廚不給則以法衣質於庫至夜衣卽現光質家以爲異屢歸之其他異跡

甚衆

溫州府志

清了字真歇西蜀左綿人俗姓雍少出家謁丹霞淳禪師
後遊五臺抵長蘆謁照禪師一語頓契照付衣嗣豫備布
袈裟於袖起示衆曰得法丹霞老傳衣祖照庭恩深祇無
語懷抱自分明宋紹興七年奉詔開山本寺以龍翔併興
慶爲一後開山皇亭及寂化諡曰悟空了禪師

江心寺志

景元台州護國元禪師參圓悟於蔣山因僧讀死心小參
語云旣迷須得悟旣悟須識悟中迷迷中悟迷悟兩忘却
從無迷悟處建立一切法元聞而疑卽趨佛殿以手托開
門扉豁然大徹

羅浮野錄

景元參蔣山圓悟有得悟曰我這裏

禪都被元首座作一布袋盛去了一時衲子遂呼爲元布

袋

續文獻
通考

慧珣號月堂陳氏子出家祖印院謁南湖澄照至東掖見
皎法照遍參名匠東遷南湖依圓辯深語圓頓紹興末出
主法昌遷淨名普和嘗持鉢海岸遇盜正色訶之感悔而
去淨名無衆每對海山爲鬼神講維摩經屢感神應乾道
五年遷主南湖魏丞相杞就問世相常住之旨歎爲明曉
淳熙六年冬示寂遺言分骨一附親壟一塔祖原

溫州府志

謝守灝字懷英年十四能屬文遊太學讀臧穀亡羊遂有
出塵之想遊方外三十年遇道士沈若水授以許真君石
函秘文後遊天台從王坦十餘年數隨坦入見孝宗及光

宗卽位賜號觀復先生守灝舊爲舉子業博極羣書自六經諸子百家靡不精究註解老子五千言又爲混元寶錄

十二卷

溫州府志

處躬號一菴從圓辯得宗旨晚主南泉有辯才脫畧窠臼不滯節目求指示者握管輒書申明祖意獨出衆意遠近

學者推爲宗師

溫州府志

元奘爲嘉福院僧飲酒食肉日與兒童嬉戲市人呼爲樊顛每見人卽覓酒瞋目張拳爲金剛之狀見者絕倒夜雖劇醉至四更起誦法華經旦復入酒肆醉溺衣未嘗濯了

無穢氣忽一日遍辭所知趺坐而逝

萬縣溫州府志

永嘉縣志

卷三十六

舊志

方外

三

從瑾南溪鄭氏子初依資福院圓辯問義復參龍翔心聞
自此生機頓發妙用縱橫文惠公問心聞得宗門骨髓爲
誰曰瑾見地明白輔以英姿老僧不及也師住象山智門
香燈院雁山能仁龍翔凡十一刹每住不過三年輒去曰
古人戒宿桑下畏留情也退居鹿園菴年八十四書偈而

寂世稱雪菴禪師

萬曆溫
州府志

介謚溫州張氏子

五燈
會元

受具於崇德寺慧微師微持律刻

苦嘗然身爲燈爲佛事謚曰大丈夫當明佛祖意以光明
照大千何區區於此辭往謁徑山常悟佛鑑慧勤晚依長
靈守卓餘八載悉得其道性剛毅泣衆有古法時以謚鐵

面目之稱無字禪

萬縣溫州府志

子真號閒林幼從節公學用志勤苦每於教義未安處與衆講究必得乃已或坐帷中自問自答以爲精覈出主法明辯才異等老學畏服

溫州府志

油童莫識其姓名藏郡積穀山謝客巖下每以楮錢買油人視之金也一日事覺鬻油者索之不能得適復來執之而走追之鑽入巖隙衆以聞郡守令起巖視之見其向立燈前而油已將盡諸刹僧爭迎之守曰僧等俯伏吾當視香烟遶其身者許之時繞松臺普覺寺僧遂令迎焉後多奇跡有題者曰此物曾從黑劫修石中經歷幾千秋早知

色相留塵世却悔當年出買油

萬縣府志

項評字惟公遇異人授以修煉之法乃結廬於羅山之溪傍自號守虛子辟穀四十餘年坐化會飲曹溪水味甜語人曰甜水洩兵戈歇百年來聖人出至明太祖御宇其言

乃驗

萬縣溫州府志

元

周頤真字養元閩福清人至元丙子徙居永嘉年未弱冠遇西蜀異人授以隱書及壬遁返閉之祕因自號山雷子從開元觀道士蔡術嗣靈寶法凡元學運用悉以易變通之元統甲戌歲旱郡請禱頤真默運電出袖中雷雨隨至

未幾有訐其左道捕之急願真挺身立州橋石欄側終日
捕者旁午莫得一日命筆書曰我從空來我卽空我向空
歸空自在八十五年幻化空非幻不化空不改喝謦達大
空不空一輪紅日古今同擲筆而寂世稱蘭室先生有洞
浮老人集

萬縣溫
州府志

梅芹元末不樂仕韜跡黃冠能驅鬼出神或盜其邸木焚
符竈中盜者披髮負樹來歸以水嚙之謝而去嘗自題小
像曰石斛花開劫外春百城烟水漫勞神誰將秋兔毫端
寫貌出山林幻有身自號大歇子

萬縣溫
州府志

省初孫氏子號子蒙自幼端謹爲儲慶寺僧長師方巖於

台州白蓮寺遠接南屏之傳宏天台教觀厯雙峰上天竺

首住東林開元兩刹有五門禪一卷

萬厯溫州府志

如一菴者姓袁氏先誕五日父夢一異僧持梵經至問何
來曰五雲問姓曰姓殷問名亦曰姓殷且謂後五日當再
來留經表信至期果誕師頭骨嶄聳目光射人年十五師
事方山和尚出家受戒後依竺元和尙得其要領退居西
澗菴師早年發志誦楞嚴經誦至第五卷得嘔血疾乃輟
疾瘳一夕夢所未誦經皆金書布空中厲聲讀之既覺猶
存移時始隱故師再誦此一經每誦一過終身不忘

萬厯溫州

志

鑑無礙鄭氏子母夢白光貫其廬因有娠及生有異相聰
慧明敏七歲讀書悉記弱冠歷諸方參中峰後從龍淵於
東林蘭若居二十年一日聞蓮香作偈曰箇中消息本尋
常幾度無端謾度量今日疑團百雜碎西風一陣白蓮香
尋歸蕪湖復移錫瀛洲建寶林堂茶毘有舍利子

萬縣溫州府志

明

賈復真號靜觀至順壬申居溫城同知雷仙伯授以雷法
及天文地理祕旨庚辰郡大旱有司請復真禱雨於嶽祠
應時雷雨大至洪武戊申修齋於竹園道院一日夢天樞

院遣使請歸端坐而逝

萬縣溫州府志

慧照字大千麻氏子天麻戊辰出世於樂清之明慶至正乙未遷四明之寶陀常垂三關語以驗學者後於妙善泉上築室曰夢菴洪武癸丑示寂壽八十五有語錄行世稽古

續集

王涵虛名家春字九靈潛心老易爲應道觀道士遍游五嶽禁足武當註道德經李本寧爲之序尋復著太極圖說易粹篇註參同契悟真篇陰符經維教正論晚年歸甌朱之蕃贈之詩云五嶽歸來雲滿袖九山高臥雪盈巔後道德經註板散逸永嘉令韓則愈補而梓之溫州府志

妙智姓楊氏號白猷幼時母哺以葷腥卽吐自是素食五

歲隨父念法華經至火宅求解父異之十四歲出家靈鷲
寺適月出其師東林出對云日暝來看天際月何患無明
智指佛前燈應聲云燭殘點起佛前燈管教續燄林喜曰
此子再來人也由是南造雪峰西抵峨眉北登雁宕東入
天台遍參諸善知識洪武閒縱游廬山於天池舊址葺茅
居焉母陳氏年七旬一日暴卒復甦與家人曰昨至一處
見宮殿森嚴吏戒勿入指以歸路仍與偈云八十四年獅
子母偶因風燭悟無常好箇愚溪勤念佛天風吹送藕花
香時智在廬山號愚溪云後母果八十四卒永樂戊子秋
庚申之夕智向月三復汪鼎新詩菴無人守庚申夜池有

荷開子午花衆曰何也智曰十日後可見浹旬辰起沐浴
升堂語衆曰今日庚午矣昔從庚午來今從庚午去復說
偈曰內無內外無外七十二年隨方不礙喫丟了臭皮袋

我得自在言訖而化

萬厯溫
州府志

曇旭字旦初安固林氏子十四遊仙巖依珽公研窮教典
尋住持壽昌能仁寺宣德中檄主江心寺服修行業書偈
而逝

江心
寺志

葉昌齡幼機警爲玉清觀道士一日遇老叟引入巖洞中
授以正一五雷之法遂豁悟正德末郡大旱禱雨有以葉
薦者郡守禮請之乃出登壇問曰欲城中雨乎守曰雨以

溉苗願澍城外葉乃以墨筆於紙上作一圈旁亂點如雨
已而擲筆空中俄見白氣上衝雷雨大作城中僅僅飛曬
而甘霖洽四郊矣

溫州府志

正參李氏子自幼出家住廣福院勤諷誦嚴戒律屢與名
刹座下受其戒者幾二千人壽八十一緇流尊爲恒然禪

師

溫州府志

受紹李氏子號繼宗童年出俗投普明坦衢法師得度受
具於幽谿尊者尋蒙普明記蒞堅秉戒律講演法華於幽
斗精舍梅峯玉泉修法華楞嚴大悲淨土等懺總七十二
期勤懇垂老不倦學士大夫與法門龍象參圓秉律者無

虛日著有圓覺懺法心經義語諸篇行世壽八十四西渝

盧學士琦銘其塔

溫州府志

古燈本姓楊舊名毓岳母分娩時父夢異僧來訪覺而生之幼穎異不凡髫時聲噪鬢序嗣從藏經閣中讀法華所說十二因緣憬然有悟甲申棄鉛槧赴徑山謁費隱和尚薙髮焉朝夕印可費公卽欲分座辭去携瓢笠游五臺金陵復至天台台亢旱有神降言師在天峯求彼卽雨有司敦請師就山中拈香甘澍立沛後歸瞿溪建化城院天峰永和尙遣人授衣鉢力辭不受至法通寺得疾衆請偈偈

成擲筆而逝

溫州府志

靈基號慧目王氏子生時白光照室衆聞異香年十三遊
學舍中見夕陽返照頓起證道之念後禮天台有門和尚
授以見見功夫戒行精嚴爲鉅公所推服林太史增志延
之開華峰山卽古雲頂遺跡也李中丞光春又請主西竺
寺自後屢升法座闡明經義參元稟律者踵首相繼一日
至仁王寺謂侍者曰吾報終是月矣卽返棹歸山有弟子
岳式者忽夢日輪隕於大海是夕師逝

溫州府志

寺觀

康熙志曰二氏之學虛無誕妄先儒闢之詳矣乃精廬
福地隨在而設甚而昔賢或有捨宅爲寺或有寄跡黃
冠豈果溺於其說歟夫亦有所託焉而已歐爲山水名
區佛老之廬列峙相望創新葺舊殆無虛日抑何若是
其衆也今特取名山古蹟錄之置自近代者弗備載云
開元寺 在習禮坊晉太寧三年李整捨宅建爲崇安寺

唐改今名宋置藏院御書閣千佛院

（明一統志）建炎中奉安

景靈神御於此

（府志）（湯志）

（案宋史高宗紀紹興元年

州太廟九月庚戌命宗室右監門衛大將軍士芭朝饗
温州太廟當時避金人之逼暫遷太廟於此而史遂謂

之温州

明洪武閒立為叢林

舊志

寺千佛閣

宋葉適

溫州開元

始開元寺屋

太廟也。以里數門閣高百三十尺旁翼二臺千佛閣在其後高又過之鐘梵隔雲雨欄檻羅網階陛門戶夸耀甚不獨為一郡巨麗也於是永嘉至僻陋顯官富民之居俛肩而入賄藏好贈不實於篚而奉佛若此余頗記僧清了者來所過空聚落迎拜金帛之獻舟銜輿曳以先至為幸造寺洪流中不日月而成蓋薄其家而厚佛僧自唐以來迄於渡江其俗然矣紹興庚申歲火延燒開元皆盡其僧感憤激發誓以復起死則後至繼之然自是人益以施為難烏集其門側睨橫出漫不酬對有終不捐一錢者辛苦踰一甲子猶未悉就已就者廣崇之度與初寺相百也所謂千佛閣者居廣實為之廣瞻智博習能誦說俗所信愛施之差易積至三千萬斧斤不絕聲十年方之昔為隘視今華敞矣顧他釋老舍兵殘火燬荒基斷礎相望十不能興一二也何論復舊美哉雖然余觀今之為生者土以寸闢稻以參種水蹙而岸附墮削而平處一州之壤日以狹矣異木刳草爭植於園隆棟深宇角勝於家氍衣卉服交貨於市四民之用日以侈矣然則以昔之厚佛僧者而自與情之所便抑異以

安俗退夷而進華又義之所出也雖然將充夫先王之道而一由於至順則固不以吝於人者為已利損於外者為家侈然後富教而德正禮辨而俗樸此三代之上所以為治道一而義理明也故余因廣之請併今昔之變紀焉嘉定元年九月國朝邵家默開元寺看菊詩雲淨天高暑氣微僧軒盡日坐清暉青山入座秋來瘦黃菊穿籬雨後肥露下傳香知逸品月中招笑識禪機柴門莫謾教頻掩萬一攜尊看白衣

崇德寺 在松臺山東唐咸通間建宋祥符賜額宣和初

改為神霄萬壽宮建炎初復為崇德寺高宗駐蹕時以寺為都堂門內有金書聖壽萬安四大字元至正丙戌創寺門於西市街北扁曰九山第一叢林今廢府志

大雲教寺 在永寧門內梁大同間建名興業唐文明間改名白鶴天授二年改今名與崇德開元為府城三大

寺今改爲縣預備倉

府志

按今寺與倉俱廢俗名舊倉基

資福寺

在華蓋山林靈素築室於此名通真菴宋高宗

巡幸改名資福元延祐閒燬明永樂重建萬厯中邑人

王叔杲修

國朝康熙閒重建

康熙志

同治六年知府戴

槃葺而新之復拓隙地構左宜右有兩山房爲游人觴

咏之所旁有生育祠寺僧松泉建

天寧寺

在永寧坊舊報恩光孝禪寺宋政和閒改今名

有華嚴妙峰二閣貝葉生香閣明初逆川大師受戒於

此景泰時中貴李瓚重建

萬厯府志

嘉福寺

在簡訟坊唐中和閒建宋咸平賜額元時分建

上下二院康熙志

普覺瑜珈寺 在松臺山麓後周廣順中建嘉靖浙通志舊名

寶陀宋祥符間賜名普覺紹興時真歇清了奏為律院

元至正甲申霍時雨重建明洪武間立為叢林萬厯府志康熙

熙志在落霞潭側

淨光禪寺 在松臺山麓唐時建光化二年賜額有宿覺

禪師真身塔常有五色雲覆其巔僖宗賜塔名淨光宋

太宗時賜扁曰宿覺名山元至正辛丑復建祖師塔明

洪武乙卯重建立成塔院塔在松臺峰頂鎮三溪之水

為一城表宏治間郡守文林毀去上塔寺續燬府志宋葉適

淨光松風閣詩城中雲日如火催淨光行食聲轉雷不知何處白蘋起便有滿坐清風來莫言作樓非急務翁當運斤兒執錫待得三間著此風病叟扶攜上樓去明謝鐸飲淨光寺詩偶作鹿城夢長懷海客談不知仙境界却在郭西南日暮故情洽秋高歸興甘尊前離別色仗劍可能裁

慶雲寺

在城西北隅

康熙志今廢

江心寺

在永清門外江中兩峰並峙前代皆稱孤嶼唐

咸通閒建西塔宋開寶閒建東塔元豐閒賜東塔爲普寂院西塔爲淨信院建炎時高宗駐蹕御書清輝浴光二軒刻於石賜普寂爲龍翔淨信爲興慶紹興閒蜀僧清了來主龍翔始合二刹爲一建巨殿於兩峰之間樓閣堂廡百餘閒江雲烟水掩映丹雘爲東南勝境明正

德十二年修萬厓七年王叔杲又增建山門及兩廊鐘

鼓樓詳江心寺志康熙府志宋薛季宣龍翔寺詩二

金城到眼奢水光搖殿閣塔影動龍蛇不減蓬壺意屯

雲未許遮吳驛詠江心寺詩海上浮來一巨鼉鼉頭

琳宇聳青霄滿江星火東西塔大地雷聲上下潮明月

一輪山自靜長風萬里浪非遙我來敢問曹溪旨為念

宸遊蹟未銷文天祥題江心寺詩晏歲著脚來東甌

始覺坤軸東南浮百川東歸無異派有如天子朝諸侯

何時飛落兩巨石孤撐翮麟分江流初疑鍊失女媧手

又疑釣脫任公鈎馮夷海若不飲有湧出精舍中蓮洲

樓高百尺蜃吐氣塔聳雙角龍昂頭蒲牢撞撞鼉坎坎

潮聲滾滾風颺颺妙高峯頂德門住海門山上焦公留

長淮在望鐵甕近大浪不洗英雄愁執知隸古白粵地

今為禮樂衣冠州池塘芳草年年綠謝公勝事遺江樓

藍田無類蟾駕夜黃金作顆人家秋客帆渺茫拂宸極

漁舸散漫輕鳬麗天紅日起初浴五雲扶上烟氛收

孤臣涕泗如此水恨不從帝崆嶺遊林景熙遊江心

寺詩佛借龍宮五百年平分城樹與村烟叢林忽湧中

流地雙塔會擎半壁天石色帶雲籠客袖鐘聲和月落
漁船袈裟不限侵門水十載何人坐象筵明朱諫寓
江心寺詩孤嶼清秋夜星河萬里查江山如有約雲水
暫爲家白髮隨鷗鳥輕舟采石華秋風動歸思浙瀝響
蒹葭何文淵江心寺與日庵上人詩扁舟數覽江心
寺樓殿玲瓏畫不成白馬駝經來異域老龍聽法出滄
溟西山雨過雲林淨南浦潮生雪浪平安得小民歌樂
業何妨結社話無生謝鐸遊江心寺詩地擁中川勝
天留半日談人誰是賓主境已絕東南舊雨山僧識秋
風海味甘獨憐鄉思苦叢篠可誰戡國朝梅調元江
心寺閣卽事詩斷雲飛鳥共危欄盡日凭高不厭看背
客巖花開寂寞媚人垣竹映檀欒山移落照層陰合樹
旌歸潮夕影寒獨立蒼茫還眺望隔江一曲笛聲殘
秀水朱彝尊秋日對西江心寺同高石球作二首謝監
尋山日江童擊汰迎寒潮天外落秋草渡頭生歷覽窮
孤嶼道遙倚化域行厨深樹裏乳酒正須傾驟雨連
山暗回風病葉飛入林初緩帶改席忽沾衣客醉從高
枕川長得斷磯扁舟憐范蠡鮒菜久忘歸何森江心
寺秋夜詩何年浮海至此地有蓬萊圓月秋光迫澄江
夜色開仙人吹遂去神女弄珠來靜裏一聲磬塵心首

重回雷鉉遊江心寺詩東甌攬勝出城闌孤嶼蕭疏
絕點塵鐘磬遠颺空宇靜林巒環映晚霞勻一江清影
心如水十月輕寒氣似春文卓祠前同下拜中流砥柱
仰斯人施閏章詩凌虛雙塔湧波浪一洲間蜃市林
巒外潮音鐘磬間鄭廷俊和韻詩海闊孤峰小江空落
在哀歌向夕還鄭廷俊和韻詩海闊孤峰小江空落
照閒僧依鮫室裏佛坐蜃樓間蔡啟份和韻詩中流一
山清風何處起遙是鉢龍還蔡啟份和韻詩中流一
卷石晏坐足消閒客話烟波裏蔡啟份和韻詩中流一
雲作屋隔岸斗為山文卓雙祠在忠魂自往還

護國寺 在集雲廂舊為叢林順治閒居士周天鏡延僧

全真重建康熙志宋許景衡遊護國寺詩小詩聊記

更煩諸老數賔酬簿書底事長遮眼林壑何曾
肯轉頭會待從公白蓮社杖藜來往亦風流宋陳龜年遊

淨社寺 在集雲廂與護國寺相近舊志宋陳龜年遊

斷山空一片雲喬松含晚翠脩竹灑清陰老衲朝陽綴
睢鳩帶雨吟俗緣何日了借榻淨塵心明黃一鵬淨

社寺觀迎燈詩火樹連青甸龍燈連紫芝還因今夜賞
憶得少年時谷響傳歌吹烟光影響眉支公能好客更

在隔年期

妙果寺 在集雲廂順治十五年燬康熙十四年重建有

古鐘相傳神異向墮土內今置亭於其上康熙志

峙巖寺 在集雲廂與妙果寺相近舊府志康熙志在山川壇側

太平寺 在廣化廂太平山下石晉天福七年建有翠微

亭 國朝釋超印修舊府志

福昌寺 在望京廂唐天祐三年建康熙志

接待寺 在望京廂與福昌寺相近府志

最勝寺 在迎恩門內明少保黃淮建舊志

天柱瀑泉寺 在華蓋鄉唐貞元間建萬厯府志

安仁寺 在華蓋鄉石晉開運間建萬厯府志

福聖寺 在華蓋鄉四都宋開寶三年建高宗駐蹕於此

有御覽閣奎文閣留雲軒指西亭元兵燬至正間重建

舊府志

乾元寺 在華蓋鄉康熙志

仁王寺 在雙嶼山宋乾德間建舊府志

國安寺 在膺符鄉唐乾符間建康熙志

西竺寺 水陸寺 俱在膺符鄉舊府志

法嚴寺 在會昌橋宋開寶間建康熙志

密印寺 在德政鄉後漢乾祐間建爲宿覺大師祖庭明

林官允增志讀書於此後改創規制偉然

康熙志

白塔瑜珈寺

在德政鄉唐貞觀間建

萬曆府志

明何

頭陀山詩頭陀山擁白雲飛繡塔輪扶滿月輝滿月正當文佛面白雲如曳定僧衣雲消塔影懸清漢月迴山光澹翠微不用更參安養觀空音妙相總清機

日新寺 在德政鄉元大德間僧定慧改舊菴創寺延祐

中賜額明成化時建佛殿山門兩廊

舊府志

康熙志

王瓚脩於後殿
建造輯乘堂

湖心寺 在南塘與日新寺相近

康熙志

宋陳昌時湖

塵清湖無底秋侵目水仙飛結空中樓佛香吹化蓮花閣老僧坐久忘身心夜涼恍住鮫人屋何當使我出世

愁苔徑幽
窗弄雲竹

普濟寺 在德政鄉李田元至正間建舊府志

茶院寺 興善寺 龍潭寺 俱在德政鄉康熙志

無量梵音寺 在吹臺鄉舊志佚

法通寺 在吹臺鄉元大德間建明成化間重建崇禎時

費隱大師說法於此府志

瑞鹿寺 有上下白雲寺 法濟寺 俱在吹臺鄉舊志

證聖寺 在吹臺鄉舊志遊證聖寺詩國朝張師典初夏偕葉又生

歌聲韻更幽古徑行隨青嶂合禪心閒共白雲遊林深
談月飛鳥鵲松老晴嵐舞翠虬欲待天香秋後折雄心
未許付丹邱

寧國寺 在建牙鄉唐清泰閒建康熙志

圓明寺 景德寺 普明寺在后嶼釋正路重建有尊經

閣 俱十八都康熙志

淨明寺 在建牙鄉唐先天閒建舊志

萬年寺 在建牙鄉元大德閒重建康熙志 宋趙師秀

有千年石路陰深到繚垣幾片閒雲誰是主一條流水不知源土栽芍藥尤勝求僧說獼猴極畏猿夜半空堂諸境寂微聞鐘梵亦成喧明劉士焜萬年寺詩古寺藏雲壑千峰只數椽小渠行竈下多石蔭龕前窰熟蜂無事禾登鳥不喧梧楸深涕淚霜露轉淒然

廣福寺 在建牙鄉嶂來山明崇禎閒釋正參受綸重建

府志

淨土寺 大德寺 景德寺 圓明寺 普明寺 俱在

建牙鄉舊府志

新興寺 在孝義鄉宋治平四年賜額舊府志

廣利寺 在孝義鄉宋乾德閒建舊府志

崇福寺 在孝義鄉元至元閒建舊府志

極樂禪寺 在泰清鄉後梁龍德閒建舊府志

廣善寺 在泰清鄉舊府志

明教瑜珈寺 在臨江鄉石晉天福三年建府志

儲慶寺 靈瑞寺 天壽寺 興福寺 俱在臨江鄉舊府志

志

延幅寺 在仙桂鄉三十二都釋行龍重建康熙甲子損

齒本堅剏藏經閣超然亭康熙志案湯志引康熙志順治閒僧海融重建有瀑布雨

後其聲如雷俗號小龍湫
攷康熙志無此文疑有誤

寶臺寺 法空寺 俱在仙桂鄉舊府志

石門寺 在賢宰鄉有青石山躍鯉灘伏獅巖諸勝 國

朝康熙閒重建康熙志

玉泉寺 在華嚴洞去石門五里教授陸景華遊華嚴洞玉泉寺記云庚午春三

月于役江村寓韓氏宅地近石門山謝康樂嘗遊此志載登石門最高頂詩是也欲往訪之主人邀余曰去此四五里有華嚴洞古軍帖云近得華嚴石頗佳即其地也盍先游乃乘筍輿沿村西行籬落間野花迷漫鳴禽格磔新篁甫出籬外頗可人意行一里許有高嶺徑仄如脩蛇登頓起伏下視田塍皆在嶺半時微雨初晴新

秧出水參差一碧宛然圖畫踰嶺不半里得平壤主人
告余曰此去卽華嚴路矣遙望亂山雜沓林木蒼蔚又
一里餘夾磴松杉崎嶇不可輿徒步取徑而上企石少
息隱隱聞鐘磬音藤蘿蒙密不見蹊徑主人爲余導踰
曲磴忽得一洞圍徑可五尺許俯入約數十步豁然開
朗天光照人石壁陡削竹樹環之緣壁行始見寺寺曰
玉泉以壁穴出泉得名有樓三層嵌石壁間憶少陵懸
厓置屋牢及上方重閣晚之句不啻爲此境詠矣寺僧
迎客坐供茗飲山溜從簷際落若跳珠若灑玉風聲雨
聲琴聲筑聲一時併集檻外峰巒拱揖高亞無定狀東
角遙露江渚澄泓激灩若一鏡然從樓側細路入有巖
洞二仙井一泉流橫截揭衣乃可過寺僧固邀余往余
蓋不能從也遂戒主人歸時夕陽已在山矣主人問余
曰昔謝公好遊山曾宿石門華嚴去石門不遠而展齒
聞寂豈當時未開鑿或山靈有顯晦與余笑之曰今日
之遊不可以補謝公之闕乎主人請記其勝遂書之以
付寺僧同遊者一人韓秋畦上舍也案記

萬壽寺 昭福寺 俱在賢宰鄉舊府志

寶勝寺

在永寧鄉

舊府志

奉聖寺

在清通鄉後梁貞明閒建

舊府志

證覺寺

在清通鄉與奉聖寺相近

舊府縣志作澄誤

大廣化瑜珈寺

在仙居鄉唐先天閒建

舊府志

雲山寺

在仙居鄉

舊府志

雲山高插海門東路入仙源知幾重

竹雨一林鳴翠鳳松濤半夜起潛龍飛花滿逕隨吟屐密霧藏山膩梵鐘醉墨淋漓留素壁教人錯擬碧紗籠

崇信教院

在城內禮賢坊石晉天福閒建初馬大卿拾

解爲寺號羅漢寺宋祥符賜今名

府志

廣恩教院

在城內井蓮坊宋乾德閒建有興肇龍王祠

又有塔院

府志

西隱院 在襲慶坊宋端拱間建清祐初給額康熙志作上定庵

準提院 在城西南隅舊志

上定院 在百里坊虹橋宋高宗駐蹕於此因名

惠安禪院 在集雲廂宋咸平間建舊府志

淨法院 在集雲廂康熙志

廣安院 在廣化廂康熙志

水陸院 在華蓋鄉石晉開運間建舊府志

普明院 在華蓋鄉舊府志

顯正院 平山院 俱在膺符鄉康熙志

廣濟院 在德政鄉宋開寶間建府志

大慶院

在德政鄉石晉天福間建

府志

延壽院

在德政鄉石晉天福間建

府志

寶嚴院

在德政鄉宋祥符間建

府志

實際院

在十二都茶山明逆川法師瘞此內有五美園

舊府志

永濟院

崇福院 俱在德政鄉

舊府志

崇法教院

在吹臺鄉唐咸通間建

康熙志

崇明律院

在吹臺鄉五代時建

舊府志

廣惠院

在吹臺鄉宋祥符間建

康熙志

法因院

在吹臺鄉宋太平興國間建

康熙志

集慶院 在南堡明萬厯中重建康熙志

護國院 解食院 法果院 證聖院 吹臺院 俱在

吹臺鄉府志

悟真院 在吹臺鄉 國朝乾隆閒創建府志

集雲教院 在建牙鄉唐咸通閒建府志

淨刹院 在建牙鄉唐文德閒建府志

妙智院 在建牙鄉宋開寶閒建府志

慶全院 在建牙鄉元大德閒建府志

無相院 在建牙鄉亦曰無相寺舊志 宋葉適無相寺道中詩傍水人家柳十

餘靠山亭子菊千株竹雞露啄堪幽伴蘆花風乾待歲除與僕抱樵趨絕澗隨僧尋磬到精廬不知身外誰爲

主更覺求
名計轉疎

宏濟院 在□奧宋元豐閒建康熙志

報恩觀音院 玉泉院 俱在建牙鄉乾隆志

白巖報恩院 在孝義鄉後周廣順閒建府志

秀峰院 在孝義鄉後周顯德閒建府志

惠昌院 在孝義鄉後漢乾祐閒建府志

積善院 塔山院 保安院 龍泉寶昌院 俱在孝義

鄉府志

定慧院 在泰清鄉唐至德閒建萬曆府志

新興院 在泰清鄉後梁貞明閒建舊府志

福昌院 在泰清鄉石晉天福間建府志

龍泉院 福壽院 清涼院 圓覺院 俱在泰清鄉府志

淨空院 在臨江鄉宋端拱間建府志

廣福華嚴院 瑞光院 羅漢院 延壽院 方潭院

俱在臨江鄉府志

越興院 在仙桂鄉後梁開平間建府志

壽昌院 隆平院 嗣明院 崇因院 興國院 俱在

賢宰鄉府志

藤溪院 白泉院 祥符院 俱在清通鄉府志

廣化院 在仙居鄉梁貞明間建府志

慧日院 在仙居鄉唐先天間建府志有碑記詳金石

崇果院 在仙居鄉晉開運間建府志

廣福院 在仙居鄉宋治平間賜額府志

雲峰普安院 在仙居鄉唐先天間建府志

乾符靈山院 在仙居鄉唐咸通間建府志

昭福院 在仙居鄉梁貞明間建府志

福祐院 在仙居鄉與昭福院相近舊志

三元宮 在導俗巷元大德間建明宣德間知府何文淵

祈雨有徵重修少保黃淮有記萬厯間知府劉芳譽躬

禱大雨捐俸重建舊府志一在棣華坊一在尙膳橋康熙志

泰山宮

在迎恩門內一在海壇山麓

康熙志在拱辰門

廣應宮

在倉橋祀陳氏聖母

福建省志順懿廟在古田縣東三十里臨水洞邑人

陳昌女生於唐大厯二年卒年二十四臨水洞有巨蛇時吐氣為疫癘忽有朱衣神人執劍索蛇斬之鄉人詰其姓名曰我江南下渡陳昌女也忽不見眾遂立廟於洞上凡禱雨暘飢疫癘求嗣續莫不響應清祐中封崇福昭惠慈濟夫人賜額順懿又連江縣亦有臨水行祠按吳任臣十國春秋所云永福有白蛇閩王瑋召靖姑斬之勒封順懿夫人與此大異未知孰是

靈真宮

在大若巖唐咸通閒建

康熙志

應道觀

在瑞穎坊唐張無夢宋林靈素咸脩真於此內

有井名應仙明萬厯閒道士王九靈重建 國朝乾隆

二十一年諸生周夢發道人徐應信募金重建

府志明

萬厓問道士王九靈註道德陰符參同悟真維教正論
併金書玉泉集經隨遍遊五嶽名山晚年歸觀朱之蕃
贈聯云五嶽歸來雲滿袖九山高臥雪盈巔後經註散
佚知縣韓則愈補梓康熙三十三年九靈六世徒孫曾
延禧等募金鑄鐘乾隆四十四年紫陽派道人宣
華海募金建文昌閣斗樓供呂祖師像

元妙觀 舊在華蓋山麓唐改名九皇宮宋改名九星宮

今遷松臺山下仍復舊額舊府志明周旋遊元妙觀

護羽人棲瑤臺紫府依微見翠竹蒼松咫尺迷拂石時
窺仙鶴舞坐花閒聽谷鶯啼此中好問參同契暇日相

從駐馬蹄一在吹臺鄉卽無量梵音寺址 國朝乾隆閒建

舊志

眞華觀 在華蓋山麓唐開元閒創建 國朝康熙二十

年總兵陳世凱重建康熙同治二年里人重脩新纂

飛霞觀

在積穀山南麓

府志

國朝道光八年邑紳曾

雲捐建真人殿龍母宮臥樹樓二十七年秋壞於颶

豐七年紳孟璜集資建復並築層樓於其上

巡道賈設耳槐記温州

郡城積穀山有飛霞觀相傳晉時邑人劉根隱此乘赤霞至天台觀以得名洞口有碑勒至和二年郡守陳求古記永嘉縣志載焉年久傾圮邑職員曾君佩雲於道光八年捐資重脩共費白金三千兩踰歲告竣並龍母宮臥樹樓觀日臺駐鶴亭昇臺重建而新之諸生鄧承弼等謁余請為記以彰名勝余告之曰古稱地靈人傑温州居浙東南歐江直趨入海波濤洶湧其四面皆峻嶺疊嶂環繞郡城山水之秀其必有所鍾與清脩隱逸之士或深藏巖洞以自寄其超曠而後人遂傳其飛昇登仙以為美談郡守陳公碑記固以誌古蹟抑以此地民多信神因其土俗而教之使向善而不即於非或寓化導之微意耶自唐宋以來溫郡人文日茂如志乘所載九先生六君子提倡風氣名儒相繼而起研究理學文章事業卓然不磨山川藉以生色林麓因之改觀人

傑則地益靈矣余謂人之趨向各殊有志竟成神仙之說容或有之而不載於經傳其能煉氣養身即能延年益壽亦自然之理苟以此功脩移而用之於儒志以帥氣人皆可為聖賢復其見天地之心即飛霞而可喻也吾又聞曾君佩雲嘗捐資脩縣學有司上其事蒙賜職四品今又為此舉固行善之士邑人效之習儒者勤於業務農商者各安其分於風俗實有助焉諸生果以余言為然即勒諸石

永真觀

在賢宰鄉梁天監年建

府志

康熙志列真觀在賢宰鄉呂浦

玉清觀

在建牙鄉丁么西華洞天右弼真人吹簫地唐

咸通間昭宗賜御書玉清觀額舊志國朝乾隆六十年道

士金復雨重建前進

青嶂觀

在青嶂山山巔有凌霄庭宋柯可崇建

府志凌霄庭一

庵作

紫霄觀 在吹臺鄉十四都雲霞與奉許真君像舊國朝志

乾隆六十年道士李華蓮邑人柯大川重建殿閣嘉慶

七年巡道李鑾宣祈禱有應題觀額舊志

天清觀 臥雲觀 俱在吹臺鄉府志

容成道院 在華蓋山下元延祐間曹淵龍建相傳黃帝

時容成子於此脩煉上昇今扁曰太玉洞天舊府志

有容成道院記詳金石案明初在縣學大成殿後至正

德時王令獻臣以其地歸學建奎光閣徙道院於真華

觀之南見李東陽奎光閣記今有別建容成道

院在華蓋山上雙忠祠側三楹而已非舊址也

衍慶道院 在新河街丁字橋宋元祐間建乙池有方池名天

慈濟道院 在清河坊舊府志

遺愛道院

在太平坊

舊府志

太古道院

在仁濟坊

舊府志

廣化道院

在廣化坊

舊府志

冰壺道院舊名三元宮

在新街西施水寮巷內元至正

壬辰建內有施水龍井明洪武十九年虛白道人顧太

真祈雨有驗有題記

舊志

國朝嘉慶六年應道觀宣道人

徒項萃恩勸募重建巡道李公鑾宣題額改今名又建

斗閣

西巖道院

在來福門內葉適子萊建

舊府志

悟真道院

在海壇山下梁天監初年閒建

康熙志

清靈道院

在西洋舊府志

巽山道院

在城南巽吉山下相傳白玉蟾駐鶴於此山

巔下有玉清斗閣明萬厯改爲三元道院 國朝乾隆

十八年重建改額全真觀舊府志

玉鎮道院

在鎮海門外舊志

含真道院

在拱辰門外舊志

紫霄道院

在集雲廂舊志

崇元道院

在膺符鄉舊志

通元道院

惟一道院 俱在德政鄉舊志

白鹿菴

在海壇山麓康熙志作祀晉郭璞因卜城時有

永嘉縣志

卷三十六

雜志

寺觀

美

白鹿銜花之瑞故名

舊志

郭仙菴

在海壇山巔

康熙志

亦祀郭璞

宿覺菴

在西洋宿覺禪師道場

康熙志

西洋在松臺山西

明崇禎間台宗靈操重建 國朝雍正十一年

勅封宿覺大師爲洞明妙智禪師奉文查勘禪師道場知

縣張若義詳報達部始有叢林之名乾隆閒里人重脩

府志

案今以淨光禪寺九山第一四字移於仁濟廟

之西放生池前俗名九山舊志所稱宿覺叢林者蓋指

此而不知宋時別有宿覺菴葉水心記云土人但稱淨

光故重述舊事題曰宿覺則卽在松臺山麓者近是而

以今之宿覺叢林當之非矣 葉適宿覺菴記元覺師

歌詩數十章雖不與中國之道合余愛其撥鈔疏之煩

自立證解深而易達淺不可測明悟勇決不累於生死

蓋人傑也既沒六百年學者戴之不衰所居山 衲表十

里有江月松風之勝依而寺者十數余亦在其下若疾
痼非人事酬答不妄出他日錢塘本然蜀人居寬固請
登焉則山已入貴家所存二三而已枯茶敗草髣髴亂
石中余慨然憐之爲於絕境亭下作小精舍寺名四字
土人但稱淨光故重述舊事題曰宿覺使寬主之稍種
竹樹有所避隱出沒以爲風雨晦明之地而時與坊僧
菴友遊居其閒以招來其徒冀遇如覺者嗚呼余老矣
病而力不給情而志不進豈非不復知以古人自期而
遞流汨沒於異方之學者哉蓋世有畏日暮疾走猖狂
而迷惑者然猶反顧不已余之記此旣以自警而又以
自笑也嘉定二年二月又宿覺菴詩宿覺名未謝殘
山今尙存暫開雲外宅不閉雨中門麥熟僧常餓茶枯
客漫吞荒涼自有趣衰病遣誰言

鎮東塔 在鎮海門內舊府志

廣福塔 在廣化廂舊府志

巽山塔 在巽吉山舊府志 明有巽吉山建塔碑記詳金石

羅山塔

案舊志作羅浮塔誤今依康熙志更正章山塔
蓋羅山與章山台名羅浮故又名台山

靈福塔

廢今

俱在永寧江北

舊府志新纂

白塔

在十三都

舊府志

俗名白象即白塔瑜珈寺有明嘉

靖閼碑記

新纂

江心塔

在孤嶼有二塔東塔宋開寶三年建明萬厯十

九年邑人王叔果重脩有記

國朝乾隆二十五年郡

守李琬重脩西塔唐咸通十年建

案康熙乾隆府志東西二字互易今據孤

嶼明洪武十年重脩萬厯二十三年王叔果妻林氏重

脩有記

國朝乾隆四十三年知縣傅永綽率邑紳曾

唯等重脩

舊府志孤嶼志明王典重脩江心孤嶼東
塔記佛氏謂離幻即覺又曰一切有為法如

夢幻泡影故山河大地名象能所悉皆消殞而善學佛人又謂能空諸所有直超彼岸此上根開士而四眾蚩蚩竭目警中則又有象教焉故莊嚴之土幽勝之區架珎宮像諸天寶蓋金輪種種端好浮圖七級卓立霄漢夜則篝燈驪珠層層放大光明來遊者盱矚者油油欣悅翼翼肅恭卽盤夫悍卒亦莫不瞻象而改容如見如來頓生善念是謂無量無邊不可思議功德顧締造功鉅多藏之家愈益纖嗇卽有揮金盈餘者亦祇飾平泉之花石闢金谷之臺榭而結念佛廬者幾何人哉東甌江心孤嶼古名勝也肇自東晉漸次除治中有正殿兩廡翼如鐘鼓二樓暨澄鮮閣年久荒落西塔創自唐咸通而東塔則自宋開寶歲久欹傾才一計工蓄縮莫有任者參知陽谷王先生雅抱卓朗捐貲繕修揭爲龍海珠林殿廡門庭以次鳩工仍祠丈山卓忠貞而浩然樓屹立中央睨霄俯江千百年勃勃猶有生氣諸名公如吳兵憲劉文宗衛郡伯劉貳守焦殿撰先後協贊捐俸揭詞以增壯江山之勝概而曷谷先生之勞費多矣又謂澄鮮閣境愈勝東塔年愈久工愈鉅慨然復自任之召工計費千金有奇工匠展力澄鮮閣先就葺理而併力於塔凡造塔自下而上修塔則自上而下予時寓

寺中朝夕坐竹院曉之萬木締構斤斧紛紜蟻旋於風
簷月隔之上時時嘆喟蓋嘆其觀之美而又念其工之
鉅也經始於辛卯孟秋望日落成於壬辰冬月朔日寺
僧道充謂宜有記勒石以予親見植功而與陽谷先生
通家乃以屬予予聞西方聖人以造塔爲一大善緣而
明覺大聖建泗上塔及化去猶以杖揭之雲中形見萬
衆歡呼仰面作禮彼雖異教家而演法導愚亦與超名
象者異用而同功矣夫爲塔必於莊嚴之佛土則敬心
生必於嬉遊之勝境則喜心生敬心與喜心合一切煩
苦多生於業念不現而自消不摧而自伏矣心本無形對
鏡而照如飲恒河隨量充滿造塔功德不可思議亦復
如是孰真孰幻孰起孰滅總歸大覺何必孰爲名象而
曰此非所以見如來也哉士大夫懸車不憂貧惜餘財
則沈酣盡餘日而先生結念若此法身當永作人天之
主也先生長君玉蒼尤父子同心殷殷仗義爲東甌世
德世家云萬曆壬辰仲夏記盧達重脩江心孤嶼西
路記往謁謝康樂諸詩知東甌爲山水郡比永嘉王長
公玉洞君侯來令吾邑以閒暇談其地奇勝因出江心
志示予披覽終卷冷然如御風孤嶼間又一日吾邑於
水口經度建塔貲費未集長公乃語予曰甌江心故有

東西二塔東塔初始宋開寶西塔初始唐咸通歲久傾
欹間計繕脩以費鉅力絀莫任經營邇蘊叔氏參政陽
谷公新山門澄鮮閣因脩東塔乃西塔盤峙巉岵風雨
漂搖視東塔加損蘊兄弟言於吾母林恭人曰東塔既
新西塔未葺江心不無缺觀寺僧及大衆復屬望於吾
家請嗣東塔併脩可乎恭人命諾遂出羨貲屬仲弟薦
季弟普集工匠經紀其事從舊路旋而上朱輪紺轡倍
昔莊嚴始萬曆癸巳仲秋望日迄甲午臘月八日而工
竣費凡若干金前所未載也先生幸爲之記盧子曰佛
氏謂建塔爲人天勝果公家今所創脩爲法輪增輝其
賢於阿育雀離遠矣眞無量功德乎長公曰吾不習浮
屠氏語第大衆一切事總屬當爲而身外貲錢靡匪長
物世之人錮於自利非其身與家所須者錙銖不以捐
捨斯亦鄙矣江心爲甌勝區塔之有無固無關於大端
顧其地宋文文山孤嶼望郡城密邇二塔聳雲表爲一
肇祀光於江山且孤嶼望郡城密邇二塔聳雲表爲一
方偉觀使視其就圯而不脩何以樹瞻不佞家藉世資
不欲爲鄉土吝姑於茲效力耳功果之說則何知盧子
聞長公語竊謂江心西塔之脩有五善焉念先郡國表
樹捍門以顯地靈一也不煩里旅捐其橐金以樹衆歡

二也義重忠賢增飾靈區以光俎豆三也力任經營起
敝維新以崇古蹟四也弗祈福應明於用財以成令舉
五也一舉而衆善備其有造於一方大已予聞長公太
翁憲使西華先生以節義名於世林恭人訓長公以仁
廉庇吾邑彼其家所施爲民社利賴者無量而王氏之
澤且將淮水比長詎獨江心之淨土藉其功德已哉是
爲記（金錫敦秋觀塔燈詩中天伫立梵宮幽夜色
江聲接郡樓潮勢怒聯雙塔起燈光寒迸亂星流千山
欲曙還疑月一葉驚飛始覺秋總爲追陪成往事令人
深羨謝公遊（縉雲鄭汝璧登江心寺雙塔詩山海天
垂盡乾坤氣乍浮長虹懸作柱雙蜃結爲樓樹杪分帆
影珠胎界月流地應標震旦雄欲壓南洲帝鐸冷風和
神鼉並足遊諸天窮縹緲萬象出冥搜身到齊飛鳥吟
成起蟄虬迷津聊自度覺路竟誰投懸火千門夕鳴鍾
孤嶼幽馮虛一長
哺吾已狎江鷗